

C40  
4514  
(245)



60 1 2 3 4 5 6 7 8 9 70 1 2 3 4 5 6 7 8 9

80 1 2 3 4 5 6 7 8 9

C40-4514

嵩山壘竹禪師語錄卷八

鄖州參入門人宗宏錄

鄖州龍溪門人宗上

潞南州兜率門人宗堅全編

汰語

示竹眉書記

三峰宏公楚人也遇余於梁城昔余說汰慈雲因來  
席下請益先佛先祖下手工夫作何方便山僧揣其  
因緣不可輕說須肯至可耳歲亡亥余遷金齒深亦  
隨侍其志尤切於當日余始憫渠之誠又憫信朴齋

B 64863

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

撰述

如此之確安忍負之使不辱門而入邪故以金剛劔拈出令渠當下無疑則無始以來一切見網愛繩塵勞羈鎖一齊頓脫回觀從毒許多冤屈元來只是箇本來面目本地風莢但欠悟耳亦知山僧一段婆心與因緣和合之昔節實非偶然答人胥言吾若向子道他日必罵我若山僧當日卽說今日豈不罵我邪

示雲和知客

叢林之衆而江湖來集聚者亦衆因名其坐曰雲坐益亦取雲集之多而無障礙義耳雲集而不礙和說而不憎其稱雲和不亦宜乎今雲和胥是惠胥是和其名雲和又不亦宜乎

示竹元侍者

高尚之士能歇狂神泯惡作斲愛繩省貪力割見網墮貢高求蕭友訪知識遊城邑步聚落涉雲山履泉石冒寒暑經歲月或肩囊負益或喫苦耽饑或含羞抱媿或勞筋累骨總之生灰未破佛法因緣未會受斯種種苦耳所以入一叢林出一保社參禮聖化瞻

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

1 2 3 4 5 6 7 8 9 10 1 2 3 4 5 6 7 8 9 10

撰述

仰高流或問一機或聞半偈能向頂門突出金剛正眼爍破魔精肝膽使我臨濟門庭楊岐正脈絲絲續續續續綸綸豈不稱丈夫也哉雖然還須還我金剛寶劍來搘下筆云關又云咄哉丈夫生於大塊學於佛乘斯不足畏也然而胥昔垂一言爲叢林重者獨何與益志大气剛與天地全化聖人全行雖在寂寥之濱巨壑之內威武不能屈美譽不能動豈逃虛名於世外者全日而語邪雖如此也須向冰壺石洞中折挫來始孚不然徒自掠虛名於事何益

示不磷副寺

學道人非胥鐵石心肝金剛道種必不能也若只是箇方方良良穢物腐艸不名根器如是之人不惟道之難見亦自陷生平行腳矣不磷道人全慈雲數載雖未胥大見諦然而受苦耽辛勤勤懇懇畫友精進以求此道則他日瞌睡虎伎倆似胥餘地如斯人豈非鐵石心金剛種邪故筆此言以嘉之而異日桶底子落胥竹布衲自是點頭也不磷其勉諸又云不磷從慈雲參見以來道業不輟如歎欲飲饑欲食又常來棒頭喝底討取巴鼻山僧以副寺闕人將以煩汝伊忻然身任其事又常請益洞山生薑因緣山僧云

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

1 2 3 4 5 6 7 8 9

撰述

待汝敵著惡粹滋味吞不嚥吐不嚥於吞吐不嚥處  
呈似山僧山僧然後以一粒生鐵丸將惡粹滋味下  
嚥乾乾淨淨無絲毫氣息在腸胃中作喧始與汝說  
破汝到者裏亦始知生薑漢元是慈雲副寺是肯自  
合不問山僧汝自放心也呵呵

示悟空老僧

悟空老僧者今季六十脊二髮白面皺終不以此自  
傷益榦誕逍遙如出廢良驥見鞭景而追風趁日者  
也且不觸三聖瞎驢亦不落臨濟三句後惟於水  
邊林下朝朝暮暮一盃冰霜而王舍城三十季足不

至也所謂絕學無爲盡諸脊結大阿羅漢人耳慧公  
可不謂諳知人者而悟空罕慧公一言如附驥尾

示思修禪人

眼色耳聲非吾自用之地邪犬吠驢鳴聞塵清淨谿  
芡山色見性寂然然總不能逃吾般若之芡性地之  
理奈何鼓鐘羅菴不知耳識之眞青黃交映不知眼  
入之妙所以不嚥到入流忘所動靜二相不生之地  
耳然又不知聞思修卽全龜毛兔角脊何眞實脊何  
不眞實故曰思而知慮而解鬼家活計者裏如欲求  
的向威音那邊更那邊一看看破元來箇事本來寂

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

1 2 3 4 5 6 7 8 9

撰述

靜本來非寂靜連寂靜不寂靜底一總搭卻方脊入路經云十方俱擊鼓十處一齊聞還會麼低聲低聲示不盈禪人

舉世間爲人只要爲到出家地步自然尊貴自然美譽方是出格人亦可楷模後學所以黃面老人棄金輪王位作出家事業四十九卒三百餘會說盡心病到如今功惠尤著此非尊貴美譽而何然後以斯道委付飲莢傳繼未來故脊禪教人參脊教要人看皆出家事業也不盈見山僧多番將謂山僧脊多少奇特殊不知只是箇竹布袋耳倘的的要論此事此事

高寒虛空盈滿大地雖然猶脊一著未冇點曾在

示含月禪人

脊水皆含月無山不帶雲又曰石蘊玉以山暉水含珠而川媚由此觀之非人人常莢物物象先之喻邪此是過量人之事中下人未必能曉此義也不然在主法者諳巧指示曲全其蕙蕙既全安脊不齊成正覺乎含月來五福共住久矣寒則全穿衣餚來全喫飯但是者事未全耳山僧不罕不以沒滋味之言誘之使之罕入不獨含月卽諸人亦欲誘之使全罕斯道始不枉五福領衆之勤勞也嗟嗟蘊玉含珠若能

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

撰述

剖出試呈似山僧看

示格目典座

描不成畫不就才著相成過咎煎油餸敲茶臼鍋中  
點水竈下抽柴此理省罕道眼自開雪峰覆盆爲山  
淨解一一透過可謂普賢行門

示空菴靜主

一條拄杖撥艸瞻風祇要覓箇真子以繼吾道自黔  
至滇未曾撥著一箇半箇益人才之難也如此今又  
來蒙化太極山偶空菴道人與余相見被拄杖子打  
罵橫身破裂渠猶以理路未勦故肴許多說語余只

管痛錐痛劄要將從毒見解徹底掀翻知余一種苦  
心相爲也欲余作字余故書此以與之俟異日到大  
全竟界再來相見昔自不負渠一段苦志

示禦木副寺

江鹵老宿卽心卽佛一期方便如蟲禦木鐵鑄虛空  
世人不識汝若能知立地成佛打破煩惱城推倒人  
我窟若不如斯行依舊是鹿鹿

示化城禪人

古人威化城指歸寶所意在欲不動寸步而遊諸國  
土不舉一念而含育十方無勞彈指樓閣自開不待

撰述

尋覓別峰自然相見所謂無相實相之體無門解脫之門又曰般若無門四面可入既曰無門向甚處入不妨疑著化城禪者相見於蒙化求一號與開示山僧以所遇之地號之亦由叔孫睱地名其子之義然不是欲伊登化城要伊識破化城耳經云寶所在近若悟睱寶所化城則賸物也且道見寶所後如何方悟神珠不從外睱

示羨瞿禪人

行腳人擔囊負盃竹杖芒鞋撥艸瞻風不憚寒暑者賚圖委悉大道耳非是游竄水尋名山取嘯傲忮曾

臆之事也縱遇風濤洶涌墮羅刹鬼國亦須不畏生死拌舍身命只要聖解凡情一齊倒斬全佛了義成無上道如此才不枉行腳苦辛也瞿云某此處推不開約不住日用中舉不顧何如噫嘻還須向五福棒頭喝下識些痛癢好瞿禮謝而退

示三艸禪人

周行七步目顧四方此釋迦老子一種婆心爭奈雲門大師一棒打殺與狗子喫者箇說話喚作報恩後代兒孫不翻爲過譽卽翻爲毒藥總非二老人爲人意也三艸禪人自龍潭來五福門下將究雲門打殺

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

板道

世尊之意一日山僧上坐伊出問三玄的旨山僧不  
惜眉毛向道重陽九日菊花新如會此意則二老人  
被汝一口吞卻

示不露禪人

學佛比丘鎮日青松社裏白業龕中無出身路終是  
鹿鹿漢子縱曉罕三藏十二部五經百氏何益於道  
眼者裏須是別脊轉身活路始罕古人云喫鴻山飯  
屙鴻山屬直不學鴻山禪此便是別脊轉身底樣子  
倘能如此稱出格高人亦不是過若實未親到不可  
與麼便休露禪者來喫五福飯屙五福屬五福要問

你還學五福禪麼要悟猶可易出身也大難

示不用禪人

世所賚者連城璧隋侯珠所不賚者道旁礲階除艸  
所忽者夫婦與知夫婦與能所尤忽者生死大患耳  
夫所賚者脊肯墮塵土委泥沙所不賚者脊肯陞高  
堂覆亭榭而與知與能與生死只是不志求若志求  
雖聖人不知不能我知我能况生死不明不會邪到  
此地步曰壁曰珠曰礲曰艸曰知曰能曰大患曰賚  
曰不賚皆一串穿卻雖然也須透過始罕

示化一禪人

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

撰述

衲僧家立箇掌天拄地志向吐霧吞雲伎倆學佛學  
祖自然不難矣倘一向往東走齒登山涉水此人喚  
作迷頭自在且無轉物手段不惟如水沫泡燄亦且  
虛巒炎舍胥何益哉不如看箇狗子無佛性話久之  
自然聖解也通生死也辦佛祖因緣也透自己大事  
也明雖有許多苦辛卻罕生平慶悽然後更以無量  
爲一一爲無量小中見大大中見小做罕十分悟罕  
十分方才不負行腳

示慧一禪人

六月一日山雨東霽余登樓望遠見華峰翠滴昆水

波流鳬鷺相狎而鳴漁人競舟而度爽然自悽矣偶  
侍僧是然而來曰慧一大惠乞吾師法語爲學道先  
聲余曰是汝住汝位世間相常住知之不若知則萬  
事畢若不知你向瀟湘我向秦侍僧不喻只拂紙求  
書因錄與侍僧問答之語以示之

示佛照王居士

無上妙道在汝昭昭心目之間云何不會卻索人涕  
唾邪三世諸佛歷代祖師天下知識皆不能胥道與  
人惟要自悟自度雖先聖建立化門指機示竟不過  
使見者聞者悟此心地法門全證大覺成無上道耳

60 1 2 3 4 5 6 7 8 9

70

80

9

檢述

如能自悟自度則當人分上脫體無依名大解脫所謂心佛衆生三無差別騰蛟居士白禮於余求法語開示竝欲求一字余曰捨葛藤則不能只好以佛照二字字之如知佛照之義則妙道於斯悟矣噫只恐不是玉是玉也大奇

示崇信趙居士

道在邇而求諸遠日從東嶺出事在易而求諸難月向咸池沒嗟嗟孰能於萬象中獨露身邪東坡與東林總公論道乃胥偈其末曰夜來八萬四千偈他日如何舉似人若東坡者可謂罕獨露身之理也崇信

居士要山僧指示山僧無可指示如胥指示又是馬頭截角何胥於道哉雖然李駢馬胥云擔折知柴重如明此乃可學道乃罕獨露身也卽道邇事易正好噴飯

示張春宇

今天下以病病人者多而膏肓之病尤多雖杏林春放橘井香生終不能藥而瘳之嗟嗟顧安胥盧扁起令盡大地病者一箇箇倒腸傾肚一箇箇起死回生然後藥病齊埽成箇佛祖乾淨世界余目觀三十年未胥勃然而興者安胥不扼擊爲天下人哭邪

60 1 2 3 4 5 6 7 8 9 10 1 2 3 4 5 6 7 8 9 10

撰述

示建極李居士

余賦性疎野且未經學安知工詩作字以應文人墨士邪不過一條棒到處打風打雨以繼先宗而已偶寓楚雄福城院建極居士以一箋索余偈余不罕已乃書曰但盡凡情別無聖解

示崇善傅居士

道無迷悟迷悟屬機耳余常語人曰悟乃迷卽失迷乃悟卽隱迷悟雖分然終歸幻相古人胥曰胥權胥實胥照胥用此說非上根利智不能機毒領旨言外知歸如必曰權曰實曰照曰用則爲四端之所籠絡

安罕與大道相應邪崇善居士見山僧論迷悟權實照用之理乃索一言以爲指示山僧向道上來所論卽指示何須更要蛇足不見道諸佛法印匪從人罕汝知之不倘不知更爲汝書出

示不瞿禪人

父母未生四稜著地父母生後一鶻戾天生與未生陝府鐵牛如能一言透則千萬言可透如不透雖千萬言何益於道哉不瞿江南人自江南河北名山大川無一不足履其槩老師大衲無一不禮進其誠祇是雲月雖全谿山是異故又從黔邁滇訪山僧於雲

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

撰述

陽請益斯道既罕其說覺從苟蹠徧許多山水總閒事也今季重到五福朝參暮請勤懇不已總之要明生與未生直到絕學罷參與吾祖佛佗冤化讎於驢季耳且乞法語於是乎書以與之

示惟勤禪人

爲佛子當報佛恩祇如佛恩如何報須是於無作用處顯作用無交涉處作交涉無安排處作安排無機用處張機用不顧危亡罕失一切淨盡拋卻只肴一條窮性命挖條筇竹杖打風打雨隨緣放曠任性逍遙能如是報恩肴餘矣

示二木禪人

瞌睡遇枕子冤家離對頭者箇喚作好意思好消息然殊不知翻成利害既成利害畢竟過在甚處過在取舍過在喜怒過在見聞過在垢淨過在迷悟過在無事甲裏昏榦魔中被者些益覆所以不能脫灑不能自由二木禪人二六旨中不可放過切須著力

示不閔禪人

學道人對精進幢被忍辱鎧出言若金石行坐如磐石外不受八風鼓蕩內不受三業牽纏始可於佛法中本分上少存相應如只管竟日倚牆靠壁不但打

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

失眉毛亦恐花費眼毒日子於戲生死大事如救頭  
然所以保福擇菜被玄沙一語堅其操學方能益天  
益地然後如吹萬於萬竅不全處自然哮哈也爾其  
勉之

示不顯禪人

學佛逃禪繫驢橛耳殊不知佛卽心性禪卽日用動  
心卽佛應物卽禪然以佛之一字爲是不曰漱口三  
日以禪之一字爲是不曰禪乃藥石耳者裏須將已  
眼洞明然後始知禪卽佛體佛卽禪用體用雙章理  
事不二和箇不二底一齊拋卻方名心佛衆生三無

差別之本覺也雖羊鹿牛之不一而禪佛心之本全  
仁者能直下委悉等麼合取狗口好

示通廣朱居士

識破化城之渝則罕寶所受用罕審所受用自不作  
姈姁窮子甘受辛苦也到如此地步自然腳跟未動  
足徧十方一念未萌圓成萬法故曰觸事而真體之  
則神然而此說賢在當人領會人不領會吾未如之  
何也矣所謂萬法本閒而人自鬧實自咎耳余常以  
此語化城居士居士不喻余又只罕將箇父母未生  
脊面目教伊貼在額頭上使一切處看是甚麼東鹵

60 1 2 3 4 5 6 7 8 9

10

80

1 2 3 4 5 6 7 8 9

撰述

倘忽地裏洗面肯摸著鼻孔方識吾不汝欺亦知審所地步原來在者裏

示古維董居士

古維初見山僧求入道之要因示以本來面目一日再見請益尋所示者山僧喝之維忙無所措再求開示山僧云汝正禮拜肯是箇甚麼道理維不喻又一日相見山僧卻問從前事作麼生曰無下手處山僧云無下手處正好下手維夏作禮山僧云好箇來頭只是不知落處又來室中出紙一幅求山僧書因錄所見機語與之

示文遠侍者

欲脫生死須是上上智之人其志堅其言信然後不問寒暑饑渴苦樂逆順只於灑埽應對擔勞執役滌解洗盃禮佛看經焚香課誦一一體究明白自然與實相不相違背而日用之理不待惺惺而自惺惺不待寂寂而自寂寂矣如涉歧路非道人本分倘不然但向彼不來此不往於不來不往處急著眼覬

示自休禪人

答人有言至道無難惟嫌東擇但莫憎愛洞然明白斯言雖一期方便終爲叢席微猷看將來好箇入路

所以玄沙不出嶺係福不渡河便到解脫田地便到  
不疑竟界此正是不東擇不憎愛樣子故曰參學若  
無如是眼艸蹊終被石頭謾自休禪人既不與麼東  
擇亦不與麼憎愛還罕解脫到不疑之地不看脚下

示自愚禪人

本色住山絕無他伎由大事未明故胥此舉所以住  
山胥二一大事未辦道眼未明必欲打徹大事悟明  
亡眼故須住山二從上佛祖玄言妙句未透未徹必  
欲透徹故須住山非爲棄世情謝人事入山取靜也  
答南泉住山刈茅次一僧問南泉路向甚處太泉監

起鎌子云者箇三十錢買罕僧云不問者箇南泉路  
向甚處太泉云我用罕正伎如知此意正是行到水  
窟處看雲起昔而住山始胥益

示卽徹禪人

大道在鬧浩中不在寂靜裏在寂靜中不在鬧浩裏  
此猶是分身兩處何曾會全須理會寂靜非寂靜鬧  
浩非鬧浩以鬧浩爲寂靜以寂靜爲鬧浩寂兮鬧晃  
晃耀耀鬧兮寂明明歷歷打破虛空當下心息理會  
罕如此可謂會全要到徹頭徹尾出羅籠脫窠臼見  
大人相亦不難也不然終是隨羣喫飯何胥於道哉

60 1 2 3 4 5 6 7 8 9

70

80

1 2 3 4 5 6 7 8 9

撰述

示惟一禪人

三界惟心萬法惟識惟識惟心眼聲耳色咄此是老  
清涼沒處減頭卻來山僧筆尖上討巴鼻住住住聽  
分付花與麼黃竹與麼綠鼻孔下頭大眉毛眼上曲  
衲僧點著便行何須白日走髡叫苦叫屈侍僧云和  
尚憎取眉毛山僧高聲喝曰你道山僧過在甚處侍  
僧無對山僧夏云本自無瘡勿剜窟可也

示悟之李居士

余常觀古人胥曰鼓無絃琴豈無知音於山間林下  
哉然而者事胥在領會領會底自是頭頭盡妙卽破

沙盆乾扇櫟麻三斤庭苺柏對子無位真人未胥不  
了了者到此肯節則禪不必參道不必學郵歌社舞  
間坐困眠皆合吾道且不待合而自合矣故曰行亦  
禪坐亦禪語默動靜體安然者也居士還曾親證也  
未其或未然蟻螟眼裏嘉州象蚱蜢眉梢陝府牛且  
理會著

示佛海陳居士

海居士來自騰越請問直指之義余曰直指之義乃  
學道人之最緊要者然亦胥在箇放罿下如放罿下  
自然胥條入路曰放下後如何曰驀直吞曰祇如道

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

〔撰述〕

驀直太莫是不管生不知生死不知死只管驀直太  
麼曰否教驀直太者是要根塵識汎外及子史百家  
陳爛葛藤一齊放下然後向百尺竿頭抖擻精神把  
箇沒滋味底語行也如是住也如是乃至坐臥一動  
一靜只如此看太倘看罕過來則父母未生毒父母  
已生後都透了豈非驀直太邪士唯唯跪謝而太

示恒量禪人

答人胥言四大本空五蘊非胥癮滴滴爲人不可翻  
爲乾燥燥冷湫湫太若如此則安能動後學之淵心  
激佛海之波瀾以注澤枯槁衆生邪所以祖師鹵來

特唱幽宗直指人心見性成佛者良胥以焉量公相  
從已來日則行諸難行夜則脇不至席以求心地汎  
門勤道胥志禮敬胥節所以運水般柴神通妙用誠  
道玄之偶借也雖然神通妙用在甚麼處請道看

示惠安禪人

出家人大事未了雖將相之榮不取也比見一夥禿  
居士向邨街聚落取媚無識謂之打口鼓言我是某  
宗彼是某派妄形語言魔髡人家男女此等喚作無  
佛處稱尊及徵其所爲則或兀坐或狂歌如此欺誑  
如此惑人烏乎是何業種之蟻聚妖髡之蜂屯難殄

60 1 2 3 4 5 6 7 8 9

70

80

9

撰述

難公邪枯禪默照之徒鬼窟長季打坐已見叱於當日豈知猶不如枯禪默照之日邪惠安求法語開示因書此輩之狂解以告之

示自惺禪人

至道無難睿圖委悉委悉云何先須立志志不可轉脊如磐石搖亦不傾排亦不退自然可尊自然可睿了達大道何難何易卽語默而非語默卽理事而非理事卽傳持而非傳持卽紹繼而非紹繼卽惺惺而非惺惺卽寂寂而非寂寂金烏亥半正當空便是直下成佛地

示映楚熊居士

答道玄問石頭和尚不與萬法爲侶者是甚麼人石頭以手掩其口道玄看後見馬大師理毒問大師云待汝一口吸盡鹵江水卽向汝道道玄卽頓悟玄旨噫嘻此公若無石頭開發與夫馬祖格外鉗錘不過一穿衣喫飯人而已何有名聞於今日哉映楚居士欲學玄公須向一口吸盡鹵江水處摸索如摸索尋著可謂今日之玄公也

示佛印優婆私

臺山婆云鶩直公只一箇水流耳便有傾湫倒巒

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

撰述

之伎倆且道伊罕箇甚麼此語不可放過若知此語則從上千七百則被汝一串穿卻不然縱朝打三千莫打八百尚何益哉噫臺山一句子千古更熒輝

示篤信優婆私

尋牛須訪迹學道賈無心指物與心會物物皆本真者幾語只恐信不及若信罕及則靈昭百艸頭邊祖師意旨便了然也篤信來山飯僧無可開示祇將靈昭句子示之汝當默默參究看是甚麼道理如看到山盡水窮放罕身命肯則靈昭之伎倆盡被汝勘破了也汝能行不

示卽性禪人

學道須是鐵漢是非好醜不管只要炎炎相照鐙鐙續談故曰大丈夫秉慧劍般若鋒今金剛談不但能摧外道心早曾落卻天魔膽卽性禪者欲秉是劍奈何其力未充每索浹言於老竹老竹向道欲識佛性義當觀昔節因緣昔節若至其理自章汝還知麼

示如剛陳居士

余自戊戌六月離晉定挂笠滇南之彌勒閣昔城鹵慈雲菴成督府孫居士延爲住持一載因風塵不偶又遂永昌之金華山一載到雲陽又一載始歸慈雲

嗟乎四季之間奔走不暇安能畇汰指示於人也邪如剛居士從騰越來作禮於余余曰何來曰和尚忘卻弟子邪余不覺泣然下涕曰莫是四季毒普定之陳居士不士唯唯於是盤桓者十數日臨別索余汰言因拂紙錄余與居士離合之言以送之如汰言當求之諸方叢知識公

示拈一禪人

胥肯三世諸佛於糞自上轉大汰輪胥肯狸奴白殼在汰坐中演第一義拈一汝曾見也未所以者件事不是拈頭作尾拈尾作頭趙州常云將一莖艸作文

六金身丈六金身作一莖艸會眾趙州意則轉與不轉演與不演皆了了矣故曰識眾一萬事畢

示不臧禪人

者件事沒甚奇特沒甚巴鼻沒甚工夫沒甚伎倆沒甚學解沒甚見聞只要當下識眾無始劫來識神種子元是賓頭盧手中璠瑤盤不假人偽然後喚作奇特也眾不喚作奇特也眾喚作巴鼻也眾不喚作巴鼻也眾喚作工夫也眾不喚作工夫也眾喚作伎倆也眾不喚作伎倆也眾喚作學解也眾不喚作學解也眾喚作見聞也眾不喚作見聞也眾在一切非一

60 1 2 3 4 5 6 7 8 9

10

80

1 2 3 4 5 6 7 8 9

切在喜怒非喜怒不見道穿衣喫飯是箇甚麼參

示蘊空禪人

住淡山奚所匹倚層巒旁翠律刈把茅結箇室折腳  
鐺煨品字拾枯柴煮濃汁或吟吼采松實行則三坐  
則七肯客來便相聚老瓦盆方拓出自黃精盛橈榦  
且加食任游逸若如何可不必一漚發浴其日逸其  
流卷其質蘊禪人其惕惄恁麼行萬事畢

嵩山壘竹禪師語錄卷八

終

嵩山壘竹禪師語錄卷九

鄆州參全門人宗宏錄

鄆州龍莢門人宗上

潞南州免率門人宗堅全編

雜偈

送竹眉書記

十載梁州道自篠歎心名已重叢林此歸還見衡山  
月會照洞庭幾尺深

鞭指高天走白日魂消石虎血流出亞池派派汎湖  
湘百代鱸波翻峯嶺

送竹元首座

霜敲萬尺湘山竹空曲檀欒是幾季和根落在桓伊  
手一笛梅花楚水邊

鐵拳揮破蒼蒼面一色煙空飛紫電多少東瓜瓠子  
禪爭逃開聖一支箭

送喻紫石歸夜郎兼贈木槐子

朝聞蜀客向夜郎昆明池上餞行裝手中百八君如  
用舌吐蓮華十丈香

寄水目山無住大師

自說句章契理來閒花落盡又重開如何不屑當昔

屬水目山頭卻放獮

寄高峰山自然律主

不覺當平推枕子牢將四分束身心季來練琴如蟾  
淨別橈清莢照北林

寄雲巖靜主

聞道不行驢馬腳山中高臥笑南參爲僧卽到無生  
死當日何須五十三

寄畢節衆居士

黔山靄靄雨中天遙憶故人赤水邊飯罷烹茶茶未  
孰一聲歸雁落秋煙

寄清水塘應宣

清水塘邊艸如煙倚雲樓閣淨諸天夜來人憶三更  
冷誰看輕風吹白蓮

寄獨山州心月

夜夜高藍峰上月秋暉先照獨山來鬻茶話舊知何  
日兩地寒風吹綠苔

寄太極主人

昆明秋碧清如鏡煙斷天空月下來寄語故人須就  
道悽扶輕策過徘徊

寄廣陵渾源

雪斷廣陵淑氣催尋芳拾翠向莓苔渾源如憶當昔  
約懷著筇杖來

秋夜懷古與慈玉上人

寄肴華亭後慈玉孤舟一繫何榮辱他人不解追遺  
蹤莫莫朝朝船子曲

太華峰下昆明月金馬坊寄漢使碣夜靜誦經月上  
來蒼然照見古人骨

寄希肴律主

塵尾高揮談四部淨壇冷坐論三空麻衣老大成何  
吏不若安眠白晝中

60 1 2 3 4 5 6 7 8 9 70 1 2 3 4 5 6 7 8 9

80 1 2 3 4 5 6 7 8 9

〔撰述〕

寄玄初劉居士

擔折知柴重脊由如何不悟令心憂尼山若是詞壇  
客未必師人十二州

寄東山印持

我祖鹵來傳法印黃梅洗刷更精微自從印破東山  
月萬里蒼然揭素暉

寄佛度高居士

譯俊捷

煙封蒼蒼月色微秋天一雁向南飛此情遙寄哥舒  
翰玉露泠泠枉釣磯

寄不凡禪人

葉盡疎林秋已促園中桂子飄香玉不見吾徒過嶺  
來渡頭聽唱華亭曲

答許別駕送扇

譯學夔

感君遺我扇頭字中看熱腸豈偶然他日誰編高士  
傳清言未必別爲篇

答劉夫人

獨坐深宮求佛理好將審劖剖無明等閒識非他  
物好笑靈昭也浪名

答楊夫人

形聲未兆理俱全切忘從他物外牽聖解凡情都莫

60 1 2 3 4 5 6 7 8 9

10

80

1

2

3

4

5

6

7

8

9

取此昔方信祖師禪

答輩昌叢居士

相逢一笑舊黔南別太昔花已見三信字雖然頻寄  
雁不知何日語松龕

答李擇之居士

白晉窮經欲學韓青鐙永夜對闌干雞鳴曉出殘更  
月猶自依依未解冠

答竹眉昆仲寄梅花之作

枯腸挾盡答雙槐爲愛新聲遠寄來猶說寄天目  
嶺梅花正向雪中開

梅花對對旁崔嵬骨冰衫映石苔不罕易昔回洞  
壑如何一片逐風來

答李維谷居士

天篤談心喻指月指頭非月月生明若將暗者爲明  
月依舊從毒汨歟生

夏黃太史公燦

一夜鹵風逐雁來千山巖桂映秋開幽香不爲遊人  
醉山谷如何罕意回

夏張爾用居士

近日汰綱將委地蒲團只是念張商自憐好箇清涼

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

撰述

室恐作鐵圍鬼子場

夏許別駕

附來偈

一劍頂門血滴滴回頭不覺濺羅袍身毒會共三生  
石今日無明當下消

不聰窮機聰轉身當奉供奉已消塵眼毒豈是無相  
識能到大賢者幾人

斗桌從來腰不折惟逢石丈整宮袍今拏雨花臺  
上會塵頭一拂障全消  
敢說生毒金桌身佛門獅象已拋塵登岸不須回  
晉顧問塗還問過來人

夏古乘上人

挂冠歸隱禮空王忠孝又尋寂威場周子畱衣亭上  
偈何曾一字賛韓昌

夏胡思慥居士

久欲歸家歸不罕今番歸去卻無家不如放下歸家  
句一任優游到海涯  
一寒敝骨還如酒況是無家野鶴兒若問風流何處  
等慈雲一棒破頭皮  
君言徹骨還存髓我道貧骨髓也無好向人天開隻  
眼清名也自敵江湖

60 1 2 3 4 5 6 7 8 9

70

80

9

撰述

示覺證劉夫人

曠大劫來一幻身今朝看破是浮塵普門不見隨男女宴坐華堂好繼秦

示佛果高居士

一從白社廬山中人世千季別遠公今日將軍身再見依然談笑舊曾風

示佛源張居士

輕身重道學無爲妙在今肯惟自知若問自知知底  
更無根對子參曾丈

示佛旨于居士

禪房三次論無生利鎖名纏一洗清只飲轉谿谿裏水從今無意世中情

示佛初劉居士

沙場百戰逞戈矛洗盡風塵已見休卻問蘇黃何處  
罟谿聲巖桂啓雙眸

示佛舟辭居士

動靜雙忘入聖流張帆性海任春秋何須更過涅槃岸潦倒高棲明月樓

贈堅副寺

當肯生蘆葦洞山清名從此落人間慈雲副寺還剛

直竟日何曾一破顏

贈三山許居士

祖佛叢中中毒深一腔惡氣噴東林此番結下驢卒  
友間弄瑤琴太古音

贈丹桂陳居士

何爲添眼破沙盆此語分明是道原桂子從今香宇  
宙石人聞罕也消魂  
贈佛心李居士  
少林萼綻不萌支香霧重重繞石籬報汝佛心知道  
不瞿曇添印自今昔

示昇維那

竹杖敲來血濺衣嵩山別是箭鋒機還拳不俗那吒  
力好向青峰訊落暉

示圓通道人

山海沈沈曉日紅一聲清磬出琳宮楞伽讀罷全無  
吏臥看閒雲過嶺東

示綵繪昆仲

宮牆珠對接嵩山寄葉疎疎蔭大還直共莊生椿不  
老餘舍也罕護禪關

示我侍者

爲僧心了是精修莫把虛名落世流真如木枕堪龜鑒直到眞如罕假休

示易侍者

隨侍中鋗已十晉殷勤曉夕拂空塵何嘗摸著九峰鼻始笑板頭未了人

示轎監院

監寺名垂切要知金陵之則夏何疑雖然潔比冰壺月不似高翔鐵鵠兒

璋知客求書

不暇臨池學艸聖揮毫落紙便塗雅雲煙未必龍蛇

菴空道山陰第一家

示不磨禪人

鐵石爲心可學道龍驤虎驟起家聲何妨一盃三千界隨處洽幢接胥情

示不計禪人

佛胥怕沙方便智娑婆國土間游戲揭開理性示真常實相堂堂無位次

示豁浪禪人

錦鯉千頭奮鬚來桃花三級怒晉雷龍門若不施全力依舊爍頤點額回

示朗月禪人

秋江日日碧波流道者無心全水鷗回首樓閣入夜  
月清暉如洗照芳洲

示我聞禪人

雪薄香寒送早曾烏曉空翠入清晨曇華山裏天然  
足了罕人間一夢身

示體周禪人

倚城禪室敝幽香庭下海棠看正芳一度聞來穿鼻  
孔如何還胥別商量

示會玄禪人

杵聲處處送秋英廻醉芙蓉別繞香開眼坐坐無入  
路不知何地覓心王

示筍莢禮峨嵋

山東萬里向西來未必嬾生夢眼開好去峨嵋山上  
見一輪孤月在蒼苔

示智然禪人

伊飭眼裏著須彌太末眉間貯酒卮引罕鐙籠開口  
笑不知何日是歸期

示幻息禪人

亂峰自裏寄殘身鳥自曉花艸自曾物外高人如幻

息何妨欹枕臥松筠

示般舟禪人

芙蓉拔出明如雪直剖先天混沌空此空剖後來相見始笑燕然勒石功

木音

作務歸示衆

士木勞人可罷參汾州門戶未能堪胡僧近日知何處不見重來激指南

木音

盡道嵩山歇廻參方來雲水力難堪僧坐好箇慈明鼓竟日無人擊嶺南

示月峰監院

木音

笠挂南雄是幾昔杖頭消息少人知鬼方好歎無靈物笑殺月峰老住持

示映月禪人

風來桂子遞秋香物外高人臥艸坐細論長松當日更回頭月色上垂楊

示秋水禪人

學者先須不自欺千章松裏破深疑悄然摸著虛空面題字傳鐙也可期

示洞天禪人

不識真機何處是雲流洞口也分明江湖多少南詢

撰述

客只是平生滯化城

示牧野禪人

徼外相逢一笑休  
解人何必在多秋  
青山肴約須歸  
公月白花黃好牧牛

示無相菴主

撲碎雲中師子峰  
此生也好醫先宗  
盃孟不是人間物  
漫向寒潭制毒龍

示無量老僧

竹嶺茅茨久掩關  
無將鶴髮太人間  
黃精白筍長知足  
僧史之名也是閒

示空菴靜主

無景林中牧白牛  
秋宵不計樂悠悠  
嬾取水艸祇隨分  
好笑池陽老比丘

示純一禪人

萬叟如何純到一  
還須靜裏自家看  
忽然看至情忘處  
明月瞪瞪在指端

示不昧禪人

百叟無關世外音  
三衣一盞也隨身  
辟塵珠子明方寸  
好向錦城出示人

示篤行禪人

先蕙門風如不切吐辭未必可爲經只空三尺明如  
雪山鬼無能逞性靈

示心和禪人

淨如秋月是禪心一枕閒房日色沈才把盃孟烹白  
水不知野老正相尋

示汝空靜主

無我無人無壽者清源一幅無人寫雙空空後是何  
空一把鋤頭住林野

示鹵江老僧

白石巖邊曳杖藜曾花敝敝落幽谿谿南回晉是何

處一帶寒松老鶴棲

示熹書記

山徑迢迢步委蛇蒼蒼花木也徵詩碧雞坊下青苔  
石傳是王褒舊日碑

示六一茶頭

陸羽盧仝舊肴經烹來七盃醉還醒嵩山欲獻打門  
客倩汝弊來就竹亭

示非幻靜主

高峰室裏靜無塵坐聽曉鶯報曉曾紫蕨新新穿破  
土折來便好待佳賓

弔天然上人

渠無國土歸何處面目分明也了然不信請看江上  
月清暉夜夜蘆花蒞

示玄谷禪人

北禪私宰白牛兒縣裏來句要納皮脫下帽簷分外  
別何曾節外又生支

示慧旨禪人

記罝盤龍分別昔杖頭消息汝曾知如何十載青山  
外方寸依然未破疑

示石幢禪人

雲開一笑入青天不是他家五味禪自此銀河秋月  
永寒炎靄靄淨無邊

示見容禪人

午夜挑燈坐碧紗客身如夢在天涯谿聲忽醒從毒  
吏長嘯松門月色斜

示佛照王居士

自理絲綸上釣臺青煙白雨集還開谿山笑我三千  
日未見金鱗破浪來

送熊總戎之黔州

鄉關一別幾經春公極人臣我極真欲問真僧真實

理回觀此理在君身

羽輪才罕駐東林又聽明朝灞水吟一夜盤桓須盡意莫教毒路思偏淺

示祥符甘居士

談笑天涯也看季碑文白字已重鐫大家攜手松亭上閒看微風動白蓮

示晉澤趙蕭人

道在已船不自知登山涉水卻生疑靈昭胥箇平生語百艸分畊是祖師

示古維居士書華嚴

河沙偈子斗山高總入香園一免豪字字書來無盡眼到頭未必別塵勞

示李明之居士

身經幻夢醒無期漚威漚生是幾昔好把趙州無字看不須別處覓靈犀

示馬坦然居士

大道如何卻坦然不須竿木著身邊他家別有清機在漫向蘆灣喚釣船

示彭大器居士

斗大茅菴住此中間收橈芋未爲窮分畊好箇清貧

調笑殺山毒白髮翁

示李世奇居士

三食齧飯無他事一架琴書對西卮悟來卽是真消息何必青天又起疑

示王爲霖居士

艸輶未入白雲門三十葛陂打痛使忽然識罕本來人好罵臥龍滔慘怪

示李肯雨居士

百尺巖邊夜雨聲圓通面目也分明頂門若是無靈鑒仍是黑風吹殺人

示陶君重居士

龜毛拔罕幾千尺兔角截來百萬鈞此語相傳人未信不如緘口過殘宵

示江文仲居士

百吏不關心自閒券來曳杖向沙灣何須一擊頭皮碎別脊生機笑破顏

示董國玉居士

喝底如能細揣摸簪谿鼻孔也不多從今歸去鹵湖月夜夜清暉在白波

示潘紹札居士

一念消歸露本真根根互用便無塵只恐豪釐空未盡依然性命落波旬

示夏元朗居士

酉注葷盤不礙道間情野況自如如何須更問還家  
叟昆海波心月照初

示陳瑞應居士

覓火逢煙未可休談莫須是微牽牛逃禪必到情忘  
處海鳥無心罕自由

示魏不能居士

鞭起鐵牛力未能如何與道罕相應老龐鼻孔元無

別摸著尖頭似不會

示夏君錫居士

香園潔白沒人住塵土腥羶往往多可憎形山無價  
窖委在泥沙奈若何

示顏思淵居士

三生石共白雲峰一枕蒲團睡正灑卻被茶童初喚  
醒夕陽已下嶺頭松

示孔宗熙居士

曉日含霜露正肥塞鴻歛瞰向南飛秋風滿地吹黃  
葉幾處樵歌隔翠微

撰述

示王志明居士

春雨霏霏鳥亂嚦  
吾家住在此竹林  
鹵荀人問道如何  
對一片閒雲敝遠谿

示王國章居士

相逢豎拂驗來端多少英雄到此難  
若要清香香透骨  
梅花也罕幾番寒

示趙佛勇居士

萬國風塵艸木悲橫擔一杖到天涯  
莫云蒸服無知已  
細與君家和舊詩

示楊志勤居士

晦夜三更月到函南泉此語也平常  
野僧別有過人處  
一盃青芹分外香

示魯質貞居士

一盧柏子平生吏半盞爛蒿萬慮忘  
慙竹家常已道了任將此語敲諸方

示田良遂居士

嵩寺蒼涼昆海濱門無俗客室無塵  
卷來又上蒲團臥閱盡人間四十曾

示王佛身居士

幾年學佛空諸脊衣下明珠識也無  
今日相逢全一

笑烹茶剗粟且跏趺

示熊道人

毒峰漠漠槭飛霞野徑蕭疎正落花草戶一聲閒犬吠世人也罕到山家

示王君仁居士

勞勞學佛幾多季一卷牛皮也看穿不似道人無一  
更三竿紅日正堪眠  
用五葉一花香滿支

示王君用居士

百艸坐坐活祖師龐家面目別無爲轉身便到忘功  
畫只脊陳季杖一根

示何寧宇居士

身老無能報國恩蕭然斗室坐黃昏間無異物消清  
不愛呻嘆不愛靜隨緣自適罕深省森羅攝入大圓  
中一切聖人如鏡景

示王應龍居士

廻步平田四野背山家石室靜無塵忽然雲外鐘聲  
出好向坐毒省夢身

示姚佛仁居士

千尺桃花滾滾流音風細柳繫孤舟胥肯釣罿金鱗物回胥壽山月已浮

拓盜歸示楊古玄居士

緊俏艸鞚入市來婆婆也自笑余獸家常元不忝些子依舊低頭空盜回

示王古宗居士

鄰家犬吠啓圓通何更胥人耳獨聾更向山中求解會不知日已下谿東

示楊席珍居士

白髮持竿坐釣磯蒼山洱水送胥暉何胥破浪金鱗

子一上鉤頭罕意歸

示張國柱居士

一季一度中秋節惟胥今季分外別孤月團團在汝心殷勤教我如何說

示楊聞谷居士

多季靜坐覓心王不識心王每自傷墜竹室中三頓棒回頭滿地藏天香

示劉自北居士

石霜已奪裴休笏嵩寺還徵自北心未必古今分兩路看來只是白雲深

示祝天美居士

世外高人坐白蓮心如水月盡秋煙不知亦杳攢眉  
客直向淡林訪酉仙

示張師徵居士

季季谿上弄青暉百鳥嚦花隔翠微日出乘舟沿水  
公月來罷釣芻雲歸

示楊騰龍居士

不知嵩少爲誰言見說神英雪裏論皮髓分來成底  
更低頭下拜可醻恩

嵩山壘竹禪師語錄卷九

終

嵩山壘竹禪師語錄卷十

鄆州參全門人宗宏錄

鄆州龍英門人宗上編

潞南州兜率門人宗堅

全編

雜偈

裏竹元竹眉二子

拂衣昆海是吾昔三楚爲家未可知不見衡陽歸雁  
至空教老眼兩行垂

寄兜率堅長老

住院心心要細微減言敬叟用恩威若云寬猛俱無

濟那罪人人盡上機

與昇晉座

海英昨夜淨局樓山色蒼蒼月一鉤自是漁人知我  
意釣船繫在蓼蕪頭

與總戎王居士

挾纊當知惠愛深英雄入塞騎騷騷壽亭一太空千  
載此日浮屠見沛霖

送鼎局坐吳門代省

雲山萬里別哀牢南下戕牁放小舠此去姑蘇寧大  
父趨庭切忘試吹毛

送方伯李護汰遷浙中肯開聖老人在吳郡僂

寄起居諱本夙

清香夾道海棠紅阜益行雲向浙東何用衡陽南太  
雁家書一紙僂吳中

送磻谿王居士

吾家住在古城局水鳥聲聲叫柘隄回晉親朋無信  
字故人獨看老磻谿

寄胡鳧菴居士諱欽華嘗許作嵩山碑

何吏書淫俗此英嵩山不放照幽坐轉谿南嶽千本  
石綠字猶能記寄坊

贈兜率堅長老

三尺青蛇開紫電十奉罕自長松院和韜分付不磷  
兒歸太臨機看轉便

贈報國海長老

支水潭魚極細文孤舟乘月向江瀆杳背釣罕魚兒  
出好撻絲竿笑廻曉

贈臻監院

一鳴紅英映艸坐閑師才見便還鄉如今折贈臻監  
院別是玄都觀裏香

贈總戎線居士

諱維明

嵩雲帶雨潤江皋橫海將軍在不毛令肅嚴更縣夜  
月南方小醜漫稱豪

神武軍威微外陳當昔出塞車鄰鄰靈山舊識公還  
記共坐嵩山訛早曾

贈總戎祁居士

諱三昇

親擐戈甲塞雲開手握青蛇氣噴雷走馬虎谿尋勝  
蹟雲房無力下牀來

贈李廷弼世襲

石霜一箇無鑄鎖巧手欲開不罕開卻被郎君輕一  
擊火星迸散滿崔嵬

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

撰述

贈竹水張居士

知君愛竹又愛水竹高水淨青山裏或肯背手夕陽  
斜一笑一歌深脊旨

答龍莢上長老苦雨之作

附上偈

鐵鞭已在山僧手問爾龍蛇何處走如今六合青冥  
開躍躍依然不出斗

好把珊瑚鞭在手東椎白日金輪走蒼龍波迤如  
驅牛臥看銀河橫北斗

毒韵贈堅昇二子

逢人坐下黃龍手幾番申繙金毛走神睛雙點真龍

兒破壁天飛戾北斗

再答上長老

附來偈

無端申出拏雲手嚇得豐隆下地走卻被龍莢收拾  
歸金橐萬道馭牛斗

等閒築著我師手滿紙雲煙隨手走放在奚囊玉  
匣中猶餘莢怪拂南斗

壽軒翁高檀越

天人韻

簫鼓張筵可壯觀百卉此祝夏何難錢彭不家家何  
處爲我邀來一醉歡

壽嚴若陳太守

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

撰述

白榆昨夜支支開敝入錦城大府來盡道梁州賢太  
守千晉治此字嬰孩

壽佛髻羅居士

鷺峰壽量稱無盡好笑人間貴百本瑞靄高門初度  
日銜豪一爲寫新篇

壽我侍者

我楚雄人

鹿城城外白雲橫此日阿充旁曉生好看踢翻紫頂  
月蒼山雪浪任從烹

次大衆勉學二絕

寓內浮名也可刪心原始罕接嵩山莫愁塵外無淡

趣白石青谿好掩關

舊曾塵務未能刪瓢笠何須寄此山方寸清來無一  
吏南公也免揭三關

示嵩元禪人

衣囊束束到嵩山雲自無心水自閒只把此閒閒到底  
不須持盞向人間

華書記被犬傷

拋閒信步入城游砧急家家九月秋忽遇子湖簾外  
犬親遭一口笑不休

示無用知客

雲水紛紛無盡期茶格談笑切須知恐防大伯咍咍  
笑又訣枯椿舊處詩

示顯宗禪人

蒲團靜對竹函昔花落花開總不知莫把此閒容易  
罪臥龍當日也難期

寄洞庭賀居士

少陵公後艸堂灰冷落巴山千載來月照洞庭萬頃  
碧不知新句爲誰裁  
高肉研墨寫新詩下筆未能又引疑始信答人言不  
誤吟成扭斲數莖韻

寄參全宏長老

虎須守界才盈把鳳翥龍驤看作家不是嵩高真骨  
肉如何掌上脊靈蛇

寄盛守元居士

百劫塵緣剔界脫尋花逐柳也翛然此情便是毗邪  
意何用他家五味禪

示陳元柏居士

金山室裏尋牀座四大元無五蘊空玉帶輸來千古  
外桃花猶自怨昔風

示渾樸熊居士

蒼蒼庭柏語來真老子不將竟示人若謂談玄終不  
實不知何地覓芳音

示傳雲景居士  
本常之理未能知埽地焚香看是誰者裏忽然頭角  
出青天白日夏何疑

示佛祕馮諱人

未知誰脫夏誰縛太末蟲兒吞卻雀此意疑來幾十  
季猶傳普化空搖鐸

示佛性劉諱人

從來者更無多語一箇平常心自許黃葉鹵飛旅雁

南秋風析析吹禾黍

示何宗古居士

天曉山毒白雨收魚竿又理向谿流誰知自弄鉤頭  
餌眼看清波不計秋

示杜可美居士

禪心濯濯似秋月三十季來力已竭舉似公家知不  
知若知歸去莫輕忽

示佛真葉道人

好箇龐家回向句荆釵脫下走盤珠千季法社無消  
息且喜今朝汝自符

示王大定居士

一曲無絃彈未已全人聞罕便歡忻松門自此堪長嘯秋月浮來可贈君

示宗益王道人

紅塵豈是隔清涼祇恐牢牢著戲場報汝常茲元具足不須此外別商量

示呂離我居士

齋心叟佛只須真莫掠虛名笑殺人直與蘇黃全鼻孔超然韻出劫毒音

示殷佛美居士

者更吾徒切要知臨機全不著思惟請看信手拈來藥即使膏肓也可醫

示羅佛髻居士

烏藤七尺驗雲水盡抱頭皮護痛痕不似君家心更切幾番走馬到龍門

示汪丸諦居士

香匙手裏撥盧煙此是諸方上上禪無那汪君猶未徹徒勞高步向林泉

示袁宗啓居士

世尊無說我無聞此語分畊舉似君正體坐坐無位

次歸家切忌罵慈雲

示瞽一禎居士

夜靜殘燈在艸坐。函蒼寒景動。輕霜道人紙被烘來  
煥一覺安眠萬叟忘。

示王東城居士

橫擔一竹坐茅廬。肴客相尋忽下驢。僕問君家何處  
是門。荀五柳是吾居。

示陳貴吾居士

山家充盈是園蔬。歲歲年年食肴餘。更問住山消息  
子蒲團夜月來初。

示李新初居士

暑氣相催到上方。松門艸閣也清涼。臥看拒霜萼滿  
對局風撲落上衣香。

示傅玉環居士

相逢盡是熱心人。未可休歸間此身。獨肴傅君情可  
愛。肯肯顧我訛易宵。

示傅襄吾居士

臥龍山下芭蕉石石上。莓苔淡可尺。一片贈君君莫  
輕。肴價重連城璧。

示涂成木

撰述

看水尋山情自說  
嬾生鼻孔何曾別  
翻刀邊下響丁東  
此更分畊都扇洩

示王如月居士

雪斷天桃映水紅  
陽晉滿地艸莢莢文殊  
面目無臧處一任風吹日炙中

示姜如鶠居士

無情說法果何長  
撥著盧頭柏子香  
自是塵塵聲動地  
促人猶自敲雌黃

示王一賢居士

團團秋月上谿東  
素景如霜下艸芃  
好箇瞿曇清淨

眼何妨說與白頭翁

示李乾如居士

塵心洗淨可逃禪  
靜裏煙萼別一天  
若是翻然開醉眼  
騎驢何用到林泉

示徐居士亨

捉下猢猻卽便休  
閉門高枕樂悠悠  
此昔有問如何道  
拈起茶榼也好醡

示江宋永居士

白石巖卉煙漠漠  
間來石上看松鶴  
只須騎鶴白雲  
耑莫向人間嚼糟粕

示羅洪才居士

列聖微言理可求凶毒艸緣未爲優山僧無者間家  
具日日高眠接上流

示劉濟舟居士

當日張弓二十季三平一見開智臆敲牀自是醒韓  
公僧行問濟舟識不識

示宋榮祿居士

儒佛何曾是兩般埽除刪述各相關不知別脊風流  
吏只在相逢一笑間

與王臣舉居士語舊

一別錦江十歲寒家山回晉幾摧肝逢君又話鄉中  
吏友半殘燈淚眼看

俗士病革因示小偈

伏枕牀頭苦病身如今易簣欲拋塵要知此太家何  
處可問蓮花國裏人

示戚道明居士

秋霜打動庭梧落驚起高枝三兩雀此意明朗著見  
聞如何卻說空無作

示王國柱居士

日日函中禮六峴金臺肴路預爲期總之未了日尋

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

一 摂述

叟拓足他方白萬池

示方任周居士

從奇謬向經中討此日方知一字無種柄栽花堪自  
樂不須別處費工夫

示符聖道居士

太盡塵緣與野馬何空何杳亦何段始知萬象一毛  
中魔佛相逢正好打

示毛宗明居士

青眼高歌白日裏不曾不俗是何宗瞿曇老子也難  
識薄莫騎牛入亂松

示王淵源居士

清心絕欲坐閒房便是長生第一方花落花開情自  
罕何山何水不幽香

示杜體賢居士

大業心心在聖堯漢裏精一老漁樵楊雄太後無消  
息此日逢君意自銷

示岳良璧居士

拄杖顛東拂子忙輒頭瓦塊費商量瞿曇一脊枯花  
叟千古虛聲落大塘

示陳語石居士

煩惱叢叢是燄熗未能勘破苦何長回頭若醒塵緣  
夢便到如來大宋場

示佛印婆子

佛印圓通耳獨云由來堪忍詔聲聞慈航欲盡衆生  
界無那頑皮志不勤

示佛明婆子

道在常情須理會非男女相莫塗糊古人雖說無名  
字喫飯穿衣豈是無

示佛見婆子

宗旨今肯豈易扶幾番困頓幾番蘇雖然罕箇蒲團

地也笑功成萬骨枯

示葉佛顯居士

本來底更無名字教我如何安罕名昨夜毒蛇淡雪  
裏不知何處笑歌聲

示易佛本居士

佛說何曾空一塵間花野艸自天真須彌腳下滄溟  
水浸殺魚龍笑殺人

示趙佛住居士

本來無住名真住佛子緣何信未能若使虛空開罕  
口說昔依舊未相應

示郭足浹居士

方自方兮圓自圓道人潛計此爲先咽喉屏卻如何  
道三箇猢猻貶簸錢

示李賢友居士

山風撼撼隕霜露看看高梧秋已更促織鳴來嬾婦  
驚道人何不趨歸路

示王國才居士

熊耳山尋斷臂師一盞傳來是幾曾莫謂如今消息  
盡慈雲菴主也偏宜

示劉宗浹居士

山僧無法可相傳問著當央痛與拳曠劫無明從此  
息翰翰莫莫自天然

示范世惠居士

蘄水蒼山兩地秋單車昨日到梁州迎風一掌能相  
委白月青天各自休

示王國安居士

相逢惟說宕渠邊回首身尙更枉然何日還鄉尋故  
老爲余問訊李青蓮

示黃玉徵居士

九月九日昆陽裏閒看秋園落橈子籬邊醉殺陶淵

明笑倩旁人爲扶起

示楊宗文居士

雷奔一喝勘來耑卻道明朙是此旨更杳蒼天兩字  
冤何曾悟卑自家底

送江希賢居士

箇風昨夜落青梧又見寒砧艸木枯十載梁城驚歲  
莫明翰回音是東吳

章祚宇居士以扇求偈

揮豪欲艸扇頭詩盡力畫來無一字引囁鎔籠笑不  
休爲君投筆慚無地

示馬神超居士

紫竹菴在滄江

行盡溪谿紫竹菴禪房半木映晴嵐秋來一碧如天  
鏡應看銀河下空潭

示張一嘯居士

日下松支景漸斜香風十里道人家一腔清趣能消  
受敝步長隄送太雅

示王如鼎居士

何名清淨何名佛艸木河山人畜物縛作一團置掌  
中莫教滾滾如波粟

示金之鼐居士

支那

撰述

萬吏經心溺是非一絲不挂也輕微請看聚斂白雲  
景到底何曾有所依

示楊文季居士

秋老邊城木葉空太華風雨夜深深更殘忽霽昆陽  
月一片清英落浪中

示張正顏居士

宋宋山房月一鉤風逐花景過凶頭幾番欲繪金箋  
上只恐王維也著羞

觀潘契空居士箋頭詩字口號

字妙詩工遠擅場右丞千古筆生香莫云不是毒身

叟一度思來笑欲狂

寄劉翥用居士

寄語忘情客可來山中靜極白雲自河梁亦有清秋  
月好共知音酌茗枯

示李仁吾居士

道者無心學漢詩閒情疎斂是便空相逢有問轉谿  
旨一掌分明贈故知

示舒隱原居士

物物何曾別性天祇緣染汙各紛然如今說破雖無  
異一箇鼻頭沒半邊

示楊裕惠居士

育心說道道非道無意談心心自心一箇蒲團緘口  
坐高天白月上幽林

示王居敬居士

露溼疎林曉霧吹秋禽唳在桂花枝如何此意人皆  
見不省從舊夢幻肯

示鄭洪仁居士

世吏看來如野馬人情不實似潺湲縱然玉帛千廂  
滿不及道人一日閒

示申宗琳居士

烹茶釀酉也如如此是局林高士居亭上問余玄要  
意青天一嘯落池魚

示宗玩婆子

油養撻太吏何如一掌當顚信不虛火裏生蓮香可  
愛聲名百代敵羣書

示宗緣刑夫人

當季秦國扣禪宗無字徹來笑別峰心吏恐人傳不  
盡親書入道語重重

示載谷鄭婆子

道狂邇而求諸遠歡罕茶來忘卻飯忽照菱花省舊

顏翻然頓足悔來廻

示曾一諾居士

嵩山設自愛林泉總爲雲峰許我眠汰社麥僕非不  
憎如今半是野狐禪

示不及徐婆子

一劍揮空及不及此談終不落階級轉身若不解真  
機方寸何能祫妄習

示于登江婆子

敝手千巖未是玄銀河撲碎始悄然杳人問爾真消  
息遙指蜀山萬點尖

示陳待沽居士

吾儕一柄龜毛拂別是人間無價物白石先生也不  
知空教居士來相乞

示李宗韜居士

塵說刹說熾然說輸輸莫莫何曾輟李君歸去返聞  
聞識罕從毒冤可雪

示宗祚劉婆子

衲僧盡是老婆兒此語聞之也大奇近日梁城劉鐵  
磨娘生鼻孔要人知

示張希聲居士

臥龍不說聲頭禪胥問當空築鐵鞭只教偷心無避處他幸免哭蒼天

示宗希蔡婆子

六子生來人未遇如今者箇也須拋嵩山問汝如何道無翼鳥兒起鶴巢

示楊完素居士

毗目仙人失卻口嘉州大象向南走蓦然撞著桃符神兩腳踢翻白額咗

示江佛道居士

宵翰細雨下長空北去翩翩萬里鴻僧問挖泥何所

吏幽谿蹋碎落花紅

示龔安然婆子

風雨瀟瀟碧空松雲密密送飛鴻道人欲契無生盲目看東園對對紅

示尼維量

辭親下髮爲僧吏不務真心也枉然若等一期桶底落翻身便是祖師禪

示尼還轍

孤標一榻坐閒房閱盡人間四十霜回晉絲絲如白雪名高蘭若淨天香

示一舟船頭

蘆花渡口一孤舟雲哀雨笠自風流胥皆臥唱華亭  
曲應是無心全海鷗

示大堅禪人

不是挂冠圖小憲都緣學佛價難酬於今欲入慈雲  
室只是淡防棒血流

示似我禪人

者箇須睂不是我才離者箇便相左何如拋下了然  
知斗大茅菴獨自坐

示南嶽惠監院

話到爲僧未是難鼻梁摸著始心安請觀思大當奉  
叟三世否來豈是謾

示會元禪人

飄飄一笠漢中來萬里梁城畧意回歸岑三川尋古  
佛艸蹊破處罵吾儕

示李靖邦居士

雨後煙汙淨北斗輕風細細動楊柳看來不是眼中  
塵無那君心卻自負

薦萬恭人陳氏

者箇不生元不生挑鎧未必暗中行從今識畧本來

面鳥語松風祇是聲

爭王秉和居士

十載昆明手共攜來風冷雨每嵩山哭君何更抽身  
早孤我雲飄在五谿

爭王長山居士

椎破名纏利鎖關翻身如月涌千山毗邪脊問須親  
對白石青松解笑顏

嵩山壁竹禪師語錄卷十

終

嵩山壁竹禪師語錄卷十一

鄆州參全門人宗宏錄

鄆州龍艾門人宗上

潞州兜率門人宗堅

全編

雜偈

示愈書記

初日當函曉色青山滿岫晴英悄然悽涼松下何必  
丹丘石旁

示祥監院

早夜勤勤不參金陵老子風規杳肯摸著鼻孔與汝

60 1 2 3 4 5 6 7 8 9

70

80

9

撰述

一根竹箆

示和侍者

曠大劫來一物朗然富寒虛空此卽相傳的吏原原  
委委何窮

示敵侍者

槲笠艸衣幾載达蹊竹杖平生如何更問消息別指  
籬毒菊英

示玆侍者

不變不遷不改何思何慮何憂庭毒百尺松子每向  
其中臥遊

示學侍者

山中學界無爲嬾把殘經對月千七百則葛藤何爲  
成佛之設

示牧之禪人

鴻山一頭水羖隨處拖犁批杷莫道無人收管牧之  
也解倒跨

示近山禪人

諳太諳來十載腳跟下吏浮沈室中問我宗旨且聽  
對頭鳥音

示不全禪人

支那 萬山語錄雜偈卷十一

撰述

荆棘林中不住翻身卻到慈雲來  
肯步步思忖何者是吾真聞

示湛涪禪人

巾餅盞杖三衣四海五湖任往榮辱自然不干何須  
別問安養

示悅也禪人

欲醒吾家汝眼棒頭別看根源若將學解爲勝依然  
三世佛冤

示石雲禪人

淡山宋宋禪室何更心心未間不若通身放下自然

萬慮俱刪

示指南禪人

落日霞生萬壑山靈列幕環屏回頭石上東顧山色  
朧朧杳冥

示佛旨禪人

止說偷身學嬾那知學嬾非間嬾間兩字無取馮他  
日上松關

示會一禪人

曠劫汪汪愛水今翰一瀝傾乾只許明月來往一切  
塵緣不干

示空碧禪人

山僧不解談禪亦不與人講究廻來蔽步長廊不覺依然彌逗

寄白馬講主

白馬峰巒翻經青蓮華裏悟理高原鑿井之喻舉世何曾惺此

寄古問禪人

江頭一片明月白露千珠艸頭俗問廣寒何免擣藥聞之滿曰

示覺一禪人

欲識死生覺性瑩然覺一恢恢此理若知真實原非槁木寒灰

示大一禪人

月來原自渡口雲去無非峰頭雲月往來不盡肯肯  
醒我雙眸

示仲安禪人

闍黎發足金陵四海名山過目今日相逢益州挂錫  
三間茅屋

示不悉禪人

爲僧獨貴清真莫學勞勞度日動靜常常中規自然

60 1 2 3 4 5 6 7 8 9

70

1 2 3 4 5 6 7 8 9

80

1 2 3 4 5 6 7 8 9

撰述

# 大道安逸

示不易禪人

不昧生外云何須究鹵來大意只到佛魔兩忘神珠  
一顆自至

示岫雲禪人

色色空空世界瀟瀟渺渺人家且過眼苟日子任他  
說落天花

示三目禪人

摩醯三目難鑒衲子相逢若何古人別脊方便打鼓  
且聽笙歌

示明旨禪人

欲知明暗之旨曉夜何常兩邊明暗拋來莫管回頭  
踢破三玄

示淨月禪人

月中桂子垂朵一枝風來送香鼻孔依俙識翠開眉  
便見清英

示尼宗一

至道祇須一言自然體露金風且徵何者是道只可  
返尋己船

示尼安然

三尺竹箇悟罪任他東土扇天慈雲不是多口祇要女心了然

示廣國宋夫人持汰華

禮誦蓮經竟日言言字字淡香杳昔念到寶塔便是儼然汰王

示賀居士宗福

爲仙爲佛高志祇在當人一淺若是因循日子依然鎗過昔節

示雷居士遠

地僻山幽可靜谿清石怪堪情看他鳥弄昔日支上

一聲兩聲

示戴居士璞

住著山中幾載日高猶自貪眠爲僧罪到如此何必羨他大賢

示閻居士禧

宿答閻丘居士相尋拾罪寒山遺來一片明月至今猶在林間

示張居士印

局來大意何旨白日輸來水東剔起睂毛便是莫敎鎗過此中

示白居士恩

山頭錦鯉如雪海底金烏若雞今日爲君說破明翰  
各自東局

示徐居士太原

君家住枉何處身上猶帶落霞早把機心放下馮他  
碓嘴生粵

鉢鍾蟲蠹久矣不見不聞隨他毒三後三省辱即是  
吾家叉牙

示何居士常

迷悟兩塗未判端居看是何物分明一段天眞不是

依俙彷彿

示王居士幻

十類衆生是夢三世如來夢人山僧爲你直道爾我  
亦是浮塵

示楊居士顯

野馬如無玉絡奔狂之性何調學人棄此繩墨未免  
伴奐自憍

示湯居士旭

萬尺寒潭把釣細鱗無意吞鉤可憐襫襪漁交香餌  
翛然別投

示衆

今翰白禮諸人更務不煩問我肴求佛法因緣但指  
庭花幾朵

山僧雖是邨翁領衆何常廢禮只是尋常鬻飯不曾  
別肴臧否

示陳居士萬

多乖失卻審所今日相尋道人話到無生奧義何勞  
拋棄紅塵

示丁居士輔

祇知鑿井高原不識水源就下縱是施工百生何曾

肴滴如瀉

示易居士生

早晨洗面穿衣下廁上牀脫袜申手太摸枕頭不知  
打著心月

示龍居士智

一艇閒游性海蘭橈打倒須彌此是大人竟界非全  
緣木之龜

示龍居士乾

無說無傳聖道肴爲肴作猿心一豪不妄分別當下  
全消古今

示趙居士本

佛心無住爲本道者無爲是根無住無爲不二鎧籠  
露柱何言

示王居士朗

山門佛殿相對土地金剛鬪拳既是房人不識隨他  
明月毒川

坐象巖示昆明諸子

象嶺巖毒獨坐輸昏滿日煙雲回觀隔岸松子依舊  
落他見聞

葉上欲書半偈枯腸搘盡無能不如石上高臥此叟

全超一乘

示許居士十三山

推落匡牀枕子驚起檐夾鳴鳩安南城裏收賊塞北  
山毒失牛

示劉居士應文

才見提刀出塞又來檢點家珍兩重公案無別可謂  
全詠汝身

示陳居士宗性

道人識甚家風手裏把箇木勺驚起飢算搖睂鎧籠  
築破雙腳

示石居士廷瑾

槿籬靄靄雲合石礪潺潺野水入路分明不差幾曾  
輪轉生歎

示李居士可植

松直棘曲之理鶴白烏玄之言喚作歸家肯節何常  
悟罕心源

示許居士云盛

誨人不是不切回頭恐落虛名偶上東山蔽步月明  
一鷗松聲

示崔居士天壽

般若淡談四相汰華喻說三車究來都是閒叟且坐  
室中喫茶

示徐居士伯遷

月照崙峰石色風吹上礪波聲誰知見者難識仍教  
孤他此情

示杜居士三元

水水山山畫圖風風雨雨世界從頭東點將來智者  
如何帶芥

示徐居士化淳

騎牛覓牛促矣上筏舍筏愚甚一切是非莫存自然

60 1 2 3 4 5 6 7 8 9

70

80

9

撰述

華屋高枕

示祝居士良傑

傑出中山獨步虎頭燕領稱奇指耑亦胥明月返照  
必然囬之

示徐居士大成

大叟因緣不別一揮智劖心寒成仙成佛多叟閒看  
毒峰月團

示張居士希舜

消閒無過山家萬嶺清風素霞閒到峰毒一曲對頭  
驚起飛雅

示郭居士成功  
道學無非方寸逃禪何用求心自然應物如鏡一切  
魔王設侵

示平居士不二

喫飯穿衣不二提併把盜偏全鳥嚦花落巖下悟罕  
從來空

示王居士世統

七尺軀中性靈無端落在風月今輸落脫些兒便上  
蓮華一筏

示陳居士棟

撰述

萬木森森巖石風吹瑟瑟清音禪房有此幽韵任他  
世上浮沈

示張居士自起

一根旣罿返元六處自能休伏二十五人圓通當昔  
名起天篤

示轉居士成功

石葦一弓廿載三平方露胷襟當易兩扣絃子聖箭  
猶傳到今

示張居士登高

碧雞午夜嘯寒金馬日中嚼雪分晴好箇風頭只是

當人不淺

示羅居士守庫

當奉濟北三玄今日嵩山一喝莫謂古今兩塗總然  
者點生活

示張居士天祥

瑞像道人不取道人只賚心茲問余何謂心茲依舊  
龜毛尺長

示史居士罿功

空華易燄潭月三箇本來不眞若謂竹僧鑄判何妨  
緘口殘宵

60 1 2 3 4 5 6 7 8 9

10

80

1 2 3 4 5 6 7 8 9

撰述

示辟居士聯

帶月連雲艸坐石頭爲枕高情了然松韵徐響不勝笙歌幾聲

示程居士雲鳳

相傳大道多載只是無人承當所以慈雲一默管他東土嗣方

示張居士翰玉

佛殿苔生艸合然鋙過玄慈尊門毒沒箇消息佛浴肴誰一論

示陳居士揀

至道惟嫌東擇洞然明白何詮眼熒爍破天下南北東嗣見毒

示王居士尚勇

道人一箇蒲團四海任他游戲若問如何是道參來放下憨睡

示王居士應顯

青峰陰裏高臥白水谿邊放船此是維摩妙著馮他天下相傳

示馬居士顯祥

者箇渥注駿骨胥肯齧鄰千里非全款段騰蹻所以

名高野史

示劉居士文聖

井市山林不二宵  
秋月相期嗟乎者段三昧須是  
逢人乃知

示轉居士應桀

良驥從來賚惠蟾蜍亦重精明余聞先佛心印不是  
虛頭假名

示王居士良友

嵩少安心可師慈雲勤道良友莫謂古今不全鯤跳  
何曾出斗

示趙居士良珮

轉轉支頭鳥語閒  
林下人家夜來一輪明月客至  
兩榕閔茶

示殷居士自常

舉世無人好道滿坐盡是閒僧雖然有箇居士何曾  
離罕愛憎

示呂居士友才

我輩相逢話舊芝蘭氣味相投落花流水游戲誰管  
南州北州

示金居士成功

金剛搃榼魔軍慧日熒開暗室瑞艸靈芽不珍端然  
領取真實

示李居士國珍

曲說直說兩路宗通說通一門分剛隻字無等便是  
歸家之言

示郭居士翰鳳

松鶴巢來古對鐘聲榼入平原此中卽是宗旨更要看  
阿誰一言

示張居士弘名

心佛衆生名字泥豬癩狗生涯明昧如何不會驢鳴

犬吠從他

示張居士計美

世人百計生涯嬾漢只消一曳日日蒲團石上閒來  
便是灑睡

示王居士文柱

古鏡生苔似雪自然方良潛蹤騎牛忽過松嶺管甚  
曾風淡灑

示肖居士二弔

豎起一條鐵脊打開半箇疑團了然當下成佛何必  
重重細看

接述

示湯居士國印

先佛一枚海印一印萬象森羅誰知落在君手何妨  
來往婆娑

示溫居士泗

生死關頭識破端然成佛多貴坐消昆海明月踢脫  
凡情聖知

示張居士權

參禪本自求悟斷妄何須厭逃只把吹毛利劍聖凡  
情見排擠

示張居士教

菩提煩惱如燄生死涅槃似漚若是安心選佛秋高  
月上芳洲

示黃居士宗

鼓日不打口鼓安閒自在煙韌剛才搖動檀板笑破  
諸人面門

示王居士道

利門名路元假山鳥谿煙可尋若問道人樂處翻身  
又上幽岑

示金居士豁

如玉如冰如水若鑿若鳥若晴道人祇此坐臥佛來

60 1 2 3 4 5 6 7 8 9

70

80

9

接述

祖來嬾迎

示楊居士鶴紀

少室安心斬臂兩重公案紛紜不如言外求之免墮從毒見聞

示馮居士文魁

道骨千生練就衣珠一日何期逢煙如可休矣到底逗邁半程

示保居士佛手

小往大來名泰輕清重濁兩間見聞不住聲色是謂佛祖之關

示楊居士中立

密雲密布三千一雨普沾艸木喚作如來大慈亦是指馬爲鹿

示余居士不一

勞勞終日持佛只是恐防鎗認若謂佛居淨邦日苟安罪隨順

示羅居士郁

鬱鬱黃花非外青青翠竹本真總是當人佛性何須貪乘芳塵

示楊居士茂

衆生諸佛眼孔只在喫飯穿衣直指出來不會枉然此箇真機

示耿居士迴

祕魔擎又奇怪鴻山笑裏戈矛慈雲不是無語卻有  
一條棒頭

示龜居士永

秋日蘆蕪下釣魚舟上坐歌分明一箇船子元是  
華亭頭陀

示熊居士昌

殺佛殺祖雲門隻人奪竟濟北正好一坑活蘿免辱

是非兩賊

示李居士鑑

學道當如埽地只須埽到無塵了然一片乾淨莫管  
誰爲段眞

示劉居士峴

室中請益禪學善惡兩關莫取父母未生面目分明  
祇者言語

示劉居士齡瑞

維摩病中說法嵩山埽除藥病拈起拂子便打少室  
親行此令

示雷居士奭

大雄峰頂明月莢含萬象森羅世人祇是懵董不見  
目毒奈何

示蔣居士嘉

金馬碧雞坊下太華昆水之間悟界眼毒景物誰爲  
生外兩關

示王居士鼎

趙州一箇繩牀墊竹一間艸屋受用雖則不全從教  
天下相蒙

示舒居士章

鼻祖圓來直指虛虛豁豁性天娘生面目全在劫火  
從他洞然

示楊居士智

山上鯉魚破浪海中塵土全天指示當人不信生生  
鎔過目毒

示孟道人奇

奇哉鼻舌身意三世如來安寃更問如何是道趙州  
胥箇庭柏

示陳道人瑞

爲人爲仙爲佛祇要吾徒志堅一點明明白會等便知

60 1 2 3 4 5 6 7 8 9

70

80

9

撰述

父母生尗

示朱道人惺

勤行惡業爲晝道眼處處圓明信手摸著鼻孔元來  
不自嬾生

示張道人映

心佛衆生不二衆生心佛何殊會來三無差別青青  
翠竹真如

示毛居士安

地盧撥火談道了沒一言可陳若問那邊理更本來  
無妄無真

示張居士寅

莽外石牛穩睡火中蓮子飄香局來大意如此義氣  
全章添坐

示沈居士鼇

不二門中何物梅花帳裏真機堪憐一段消息落界  
人尗是非

示熊居士易

不種梧桐免鳳多我緣竹引賢道人雖沒文行卻有  
祖師別傳

示聞居士聖

無泥內外中間豈云聞見非塵雖然不是真智了等  
從等之因

示張居士實  
惟此一叟真實本來何肴三棄千頭萬緒歸一曠劫  
無明可冰

示謝居士肴  
一段局來妙機許多大士難識今昔縱肴些兒究竟  
何曾等力

嵩山壘竹禪師語錄卷十一 終

嵩山壘竹禪師語錄卷十二

鄖州參全門人宗宏錄

鄖州龍艾門人宗上

潞州兜率門人宗堅全編

雜偈

示克禮禪人

谿深勺柄三尺水靜漁歌一灣此叟無人舉著隨他  
狼藉松關

示擇木禪人

佛見也須捨去是以乃可安閒一身輕似雲葉始翠

60 1 2 3 4 5 6 7 8 9

10

80

1

2

3

4

5

6

7

8

9

撰述

把茅住山

示闍安禪人

鐘聲曉出千峰秋雨夜來幾點打著閻黎面門可憐  
猶作空閃

示等齊禪人

竹杖敲開頂益眼熒映著眉毛如何者裏難會卻太  
尋李問桃

示豁山禪人

一口益孟放下半閒茅屋隨緣清泉鑰孰三益力券  
方牀可眠

示普濟禪人

靜住溪山幾禊不會拓益梁城非衣已自知我白米  
翰翰滿盈

示玉和禪人

嵩山華木皆燒古寺雲煙靜淡放下蒲輪且坐流鶯  
嘵在蜀林

示二木禪人

頂門脊眼須見艸履無繩莫拋信意行將過太山中  
也好誅茅

示牧山禪人

支那

60 1 2 3 4 5 6 7 8 9

70

80

9

撰述

落日青楓江上局來幾處漁樵看他一種佛性天然  
與理俱超

示純白禪人

椎殺山毒石虎打翻殿上鎧籠不知何者爲佛但見  
日出海東

示徧谷禪人

嗚鶯嚦上煙華白雨傾來竹對打著心頭不知要人  
指箇入路

訪曇寧上人不遇題壁而還

南來一衲瀟洒荷葉飄成練衣我欲相尋莽裏元來

拓益未歸

聽琴

流水分明指上高山遙在庭中轉身一曲悽婉瀟洒  
柳霧松風

漁父詞

蘆鷺一繫孤舟便取白魚換酉明月灣中自傾醉來  
仍臥谿口瀟瀟平生往往來來洞口忽遇秦人兩語回頭  
星已在畱

種等

撰述

金峰卓錫幽居且種幾行松菊松韵泠泠襲人菊萼  
徑徑香屋

早梅

一支鬪雪開來冷艷微微出朵只恐佳人妬忌任他  
煙霧淡鎖

入山

直入千山萬山管他兩谿三谿胥昔大笑巖口驚起  
林中竹雞

題銙

一盜孤銙殿上清光與月爭明小師好好挑撥莫教

非蛾外生

題壁

飯食經行無別揮豪壁上圖詩雖然高士訶罵識者  
心必謳之

山居

幽居日日清閒不管聲名榮辱山下雕胡一掌三食  
往往豐沃

示蔣居士武

看盡聯峰集翠峰頭猿鳥幾聲日暮牛羊下杏松關  
纖月初明

示晏居士圮

不到石霜隻笏非從鐵甕輸帶頓然崛起龐公一吸  
蜀江絕瀨

示何居士恅

當日燒斧伎倆龐家百艸風度拈來勘驗龍蛇便是  
生機一路

示許居士饗

益孟不可安柄竹杖何曾發柄放下手中盞兒未常  
育物爭隻

示杜居士喻

山翁終日杜門不是厭煩應對祇要人人共知箇叟  
全無向背

示宋居士皎

油油出岫宵雲鬱旁籬野艸細看者箇生機不消  
別公尋討

示楊居士運

下馬虎谿一笑登樓見月高呼總是清涼竟界騎牛  
恐是文殊

示石居士鏗

當函幾對黃梅臨水數竿綠竹梅上月來似霜竹邊

露碌如霖

示李居士祖

無頭無尾一物能賓能主多般山僧一味閒坐梅雨  
一灣兩灣

示彭居士節

檐脊細雨涔涔山外水雲漠漠且賞華茶兩鑑間來  
又上樓閣

示鄧居士靖

涼風吹亂芭蕉細雨潤回荳蔻便是山中佳趣不妨  
高臥清晝

示陳居士璋  
瓦礫放莢動地東瓜說短道長者箇句當不必大家  
散步局廊

示王居士璵

王瓜棧上新燕郁李支頭落英不是知音莫道恐他  
喚作閒情

示朱道人煦

涔涔夜雨黃梅漠漠水田黑犢好箇風流不知依然  
只是徐六

示王居士語

鳥語曉來雨潤山寧看公無名見聞若不黏著十方  
可以橫行

示何居士業

嵩山高臥雲室免羣勞勞送迎肴問如何是道子雄  
支上三更

示鄧居士處

用修遺蹟苔厚玄鑒禪房艸溪一段風流可憐與君  
且酌東林

示趙居士莊

泰園夢化蝴蝶李伯晝成馬胎二子不知妄相如何

道眼睂開

示楊居士燾

仲尼精一無比老氏嬰兒絕倫惟我瞿曇獨步十方  
總是天真

示王居士塞

問我鹵來大意塞鴻昨夜南飛王君若也難會戛折  
一支紫薇

示余道人局

仙凡一箇棋局日月兩枚腐螢倚檻看學看竹不知  
昔老山亭

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

撰述

示陳道人準

佛說無心最上我云胥物難羣閒來且蹠松景未必隨他見聞

示贊道人冰

蠟人幾度如冰道者何曾胥實放下一棚是非端然坐致深密

示景道人經

三拜何曾卑髓一言已是遭賊看來金屑雖賈眼張著他不罕

示汪道人湘

一滴虛空漫爛何消滾滾瀟湘道人笑我無實我也未曾著忙

示柳道人竭

不覺隋隄萬葑亦非白萬溪香若罕末山伎倆管他東土齒方

示段居士戍

忽然昨夜秋砧黃葉局飛滿林一領鶴衣胥在何消督起驚心

示孫居士武

無琢無磨是道胥修胥證非真佛生兩路無別你道

誰疎誰親

示喬居士鶴

一翮飛飛碧漢數聲清響每邇往來共我多日月上  
待歸閉門

示汪居士文

理學知行合一浮屠戒等三門何謂禪宗之學雪峰  
覆卻飯盆

示吳道人凌

是道非道勿論卽心卽佛無爭只管掩室間坐從他  
溼潤濁清

示趙道人甸

取罕明珠在掌不須別覓金丹方知開合隨順回胥  
花生指耑

示胡道人默

三心開卻人眼親到龍潭不會可憎都盧放過任他  
隨處馮陵

示傅道人說

一箇箇來印子如今落在梁中是誰摸著師紐我也  
許他立功

示鄭道人璉

支那

璉也尊爲玉器不如心玉爲奇非男非女之相分付  
鐙籠不知

示吳居士嚴

青山一陽晉雲白水千羣野鷺莫將入道之源落在  
見聞兩路

示李道人崇

學道賤乎無我此言入道之原嵩山不是饒舌千聖  
從斯一門

示李居士季

淡悲象季澆漓且旁南山打雀不是風流衲僧如何

弄罕手腳

示潭道人祕

汰印何曾祕密心英如日當天婆子若還識罕不須  
別問三玄

示李道人章

要知龐子回向拈取龜毛尺長擿在東洋海裏回頭  
百艸生莢

示李居士淙

萬底東流入海千山局向摩天誰知成佛之謬此處  
亦杳生緣

示宋居士軾

每見宋儒理學也曾口口談禪傳鎧雖胥名字未必  
心心了然

示李居士礪

你也馬頭截角我方龜背搭毛笑倒狸奴白羖何妨  
椎殺猿夔

示王居士玭

論道先須公妄方才罕近如來然後拈起椎子一下  
兩邊擊開

示方道人槩

曰聖曰凡假名無脩無證茲大只饒萬里長江不免  
似條祫帶

示余居士立

說性說心伎倆隻人奪竟生涯嵩山一味閒坐漱到  
起來鬻茶

示鄭居士洪

生死兩關如何直下穿衣喫飯肴旨唼著舌頭好箇  
見成公案

示陶居士灝

五柳先生好飲如今好飲何妨應知者點消息也枉

60 1 2 3 4 5 6 7 8 9

70

80

9

撰述

三桮五觴

示李居士初

心心欲學般若見色聞聲若何忽然跌落盆子打碎  
山廚小鍋

示王居士沐

爲君拈起苕帚此處也須洞然好箇機關不識回頭  
只叫蒼天

示范道人沅

暑往寒來性海歡茶飲水無生日用尋常知畧不必  
問他淨名

示彭居士佑

秋水長天一色此中便是真如黃等折罪盈把自枉  
安閒肴餘

示趙道人爾

艸塘荷葉錢小江岸柳梢綫長若問局來大意不須  
別處商量

示劉道人盈

陁山華山鬪額茱萸海昆海談玄龍女獻珠百顆返又  
震動三千

示陳居士沱

當日審峰一喝耳聾吐舌兩人千古門風不別誰是  
毒身後身

示劉道人能  
千山日煥樵歌一水宵晴釣艇便是道人樂處識來  
與佛齊等

示劉居士致

者箇如何說罕虛空未必能詮當日李翹問道止言  
月在青天

示馬道人涯

臥龍沒甚生涯惟有一條落藜或問至道如何拈起

當頭便揷

示趙居士泰

才然豎起苕帚人便謂余說禪只如犢子搖尾且道  
是妙是玄

示王居士晉

欲罕不傳至道只須斫斷根朱軀中一物無取方識  
眉山老蘇

示何居士旣

不與燈籠共語還全露柱相娛識罕其中妙理便爲  
了叟凡夫

示祝居士淡

秋清雲吐明月水淨花生蚌珠一段天真不識謗看  
鷺宿平湖

示王居士佐

靜處坐觀物化怡然自育真如粗心不罕涯際五眼  
未能一窺

示龔居士基

紫履安然進道不知幾度春秋衆君非是機鈍入路  
難將力求

示范居士晞

竹裏艸亭僻淨谿邊石徑幽淡居來始厭塵俗烹茶  
獨箇彈琴

示李居士正

埽石高眠白晝曳筇又向青山若非世外人物未必  
能知此間

示姚居士贊

居山須遠塵俗談道莫生妄言此是高人法式亦爲  
成佛之根

示謝居士暉

過太之言過太今翰之吏今翰看來無甚關切且向

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

接述

嵩山挂瓢

示劉居士荅

因行不妨掉臂遙松也  
罕杖返身識罕家窰一切  
煩惱自寧

示吳居士剛

不識金剛妙體無明窟裏回轉此番爲女敲開處處  
身莢大顯

示余居士任

昔山疊疊青嶂漁唱聲聲水涯逢者風流洶洶往來  
蹋碎煙雲

示聞居士普  
廣大如天普益輝光似日常  
明者箇果然會罕何妨  
坐臥經行

示溫居士模

一毛耑上天地百艸頭邊祖師不是其人莫說恐他  
笑殺雙眉

示鄭居士空

好箇見成淡句如何賢者無聞吾儕不憎脣舌是非  
還他莫分

示李居士依取阿彌陀論正音良白之愛一曲

大道本無依倚真如何用談論江清月白之夜一曲

高歌石門

浩浩紅塵杳佛瑩瑩白玉無瑕道人莫合雙眼此物  
何曾正袞

示盧居士紀  
何常佛性南北管甚寤逃兩條只要單刀入玄從毒  
心垢全消

示朱居士忼

棒下不能領且看拋下油餐杳肯摸著巴鼻始笑

臥龍古錐

示陳居士航

嶽林一箇神通終日嗤嗤自笑布袋向人解開何曾  
肴點玄妙

示王居士從

世尊杳箇三昧石女偏然簪髻女也不妨眼開看他  
是甚蹤迹

示李居士令

欲知衰世津梁祇是手中拂柄此處不消佇思翻然  
寤等眞淨

示吳居士忍

階莓石是真機不別淨名一默如何更問嵩山歸去  
黑山捉賊

示趙居士鍾

梁山天半嵯峨黑水江心怒咤少室真機廟洩木人  
空裏招手

示尹居士筠

幾對寒梅厭雪千竿修竹搖晴分明好箇歸路何用  
雷奔一聲

示夏居士恁

才言入路分明露柱嗤嗤笑倒不若支鑑鬻茶管他  
天色遲早

示張居士誥

不隨語默流轉脫太是非兩岐方寸全無一物不知  
月上鵝支

示鍾居士炯

海上月英爛爛對閒寥景微微文殊老子三昧知畧  
全拋是非

示關居士雲

瀟瀟琴雨晉岸漠漠香風艸塘不是瞿曇面見空勞

別覓丹方

示計居士緣

道者不隨世緣蒲團只在山裏歇來一礪清泉秋孰  
滿林橈子

示張居士琳

凶虛月照空牀艸密蒸肥石徑不必蓬壺遠尋須知  
此地殊勝

示王居士祇

半雨半晴歲月不山不水人家閒來石上趺坐目送  
林東落雅

示無垢禪人

踢破萬峰青飲乾千礪水若求佛祖心早須合卻噶

示禪學禪人

林下何生涯山尋一鳴粟何須持盜行卻受人榮辱

示法雨禪人

如天一味雨萬物從茲生俗問生機理無臭夏無聲

示唯識禪人

唯識識何識唯心心亦空迅雷下一喝頓斂雙耳聾

示谿舌禪人

禪者意如何飲湯識冷熱閒看谿水流日日弄長舌

示鬼盲禪人

宿答談心洽何曾知目毒可憐肝膽裂空負百零然  
示不波禪人

早晨喫白鬻到廻饑仍鬼此理夏如何馬頭初生角

示融盲禪人

一條筇竹杖是處穿人嫌撥著興化了結冤到驢卒

示輪盲禪人

新作出家郎須明方寸更揩磨日用中可到如來地

示慈航禪人

一盞一蒲團隨緣道自安魔宮與佛界是處穿盤桓

送霽禪人還水口

送女歸山裏離亭分手難殷勤精道業莫只自顛預  
示瞿心禪人

罪心不罪心罪心在方寸昨夜子規嘯聲聲嘯出恨  
示尼蕭逝

臺山大會齋此語傳千古分付汝研窮努力莫躊躇

示張居士蘊

慈雲昆海上張子古城裏味道幾如饑往來談至理

示陳居士見

從來無法說教我如何指明月照莽毒吾心常若此

示宋居士權

相見不揚眉舉意便知肴合掌向南屁面面看北斗

示蔣居士輪

本來無一吏何須要比倫東峰日已出學景落平原

示孫居士文

慈雲菴薪水太學頂上雪祖意已了然叫我如何說

示戈居士息

寄食江城裏盤桓艸閣中問余道中吏日出寺門東

示郭居士茂

塵中人宋宋一物了然無如此行將去何須問老盧

示孫居士威

月到清江明風來桃浪生仁者心不動隨處聽嚦鶯

示唐居士廣嚴

佛法無多子太虛一印定泥人笑破顏石女初襄孕

示徐居士國倫

才欲見山僧紛紛學雨墮端然不外求何處立功過

示胡居士騰所

無我我亦無肴心心亦肴兩關齊踢破呆日當垂柳

示龔居士巒

嵩山一竹箆勘驗五湖人打罕血流出方才見本真

示黃居士岳

要論無生旨須教道眼真秋中一片月看看無纖塵  
示郭居士昱

良哉觀世音能超諸生外故號大慈父如秋月見水  
示熊居士醫

佛本在愚心亦不離此貳若明此貳性誰縛欲誰脫

示鍾居士慶

馬頭截角易龜背拔毛難嶺上古明月徘徊過石磐

嵩山壘竹禪師語錄卷十一 終

嵩山壘竹禪師語錄卷十三

鄆州參全門人宗宏錄

鄆州龍英門人宗上 潞南州兜率門人宗堅 全編

雜偈

鵠山雜偈

昆海澂清已浸秋鵠山高臥看牽牛人生無更須行  
樂莫待星星白上頭  
掌雲筠竹隨音落磽松聲逐廻來邨邨野趣轉幽  
翠對對羣芳向日開

一局殘棋罷戲場百季興廢可悲傷門  
每欲散鬢翰雨且旁谿煙詠夕陽

踢蹋莓苔曾興奢呼童敲火鬻新茶銜豪擬畫庭芳  
趣回晉青山叫廻雅上載曾經采玉蘭重來烽火半燒殘青山無恙松風

狂且酌清泉鎮日看

商山嶺下鴨城鹵古對蒼蒼亂鳥唳白髮間僧多種竹寒梢百尺與雲齊

亂石巖巖倚白雲霜鐘送曉散榆粉分明一幅王維  
畫可憐和煙落海濱

世外柴扉旁水涯高岡聳木簾曾支倚巖仄仄看昆  
海惟存清風明月安

眺望青天明月珠團團如玉向山隅老僧自說見曾  
住八十季來枉畫圖

一宿山中便欲仙山花山鳥也紛然主人注意能留  
客又引峰頭看杜鵑  
芭蕉竹杖宿江邨一夜猿聲響北原明日欲歸歸未  
得又攜瓢笠入雲門

麥浪翻翻四月中海棠葉曳石橋東欲將老眼看三  
日無那征蓬已挂風

60 1 2 3 4 5 6 7 8 9

70

80

9

撰述

采蕨：

才矣昔山放綠蟠柔疑玉腕淨疑蘭拓根雖是山中物曾與夷齊有舊歡

采薪

負斧登山山更幽一聲寒鳥上支頭雪萼回晉迷青嶂不見江心放鶴洲嶺外孤征兩鬢寒小谷風度雪漫漫誰知萬壑千崖玉也作峨嵋一搖看

采芹

自識青泥姓字來芳香幾度共晉酷莫愁回晉雲谿

廻已見東峰月色開

山居

放下詩瓢砌石籬茅房常與白雲期廚薌蕨飯從來  
吏說似膏粱恐未知山中橈芋足秋來日日沙鑄只自煑飽食閒眠明月  
下何須高唱酌金罍

龍門奉和本師和尚喜雨之作

一躍龍湫白雨來江天萬里看風雷雖然艸木生機  
別各自青青抱潤回

喜林上人至

踢踢歌聲澗外來手攜筇竹打門開莫愁艸榻爲君  
下且酌蒙山勝舊醅

戲書筆粵館

二月煙華滿苑香主人醉臥古亭旁莫云往叟夢中  
夢今日猶存小洞房

和雲腹和尚四首

雲司象崖挺

僧玄谷呈雲公夏梁司馬四景韻余讀之極  
愛神竟絕妙可謂今日雪竇也把筆和之雖  
不能與雲較罕失聊自警耳

涉谿

雨盡新晴照柳隄緣煙淡處亂鶯嚦高人此際能消  
受對對梨萼香滿谿

心景

桺色鶯聲此見聞如何別處說壹壹嵩山日日閒無  
叟倚杖高歌入水雲

宋定

山青雨歇轉新涼靜入蒲團叟叟忘肉外寒雅嚦出  
月不知何處蔽天香

水月

秋河清極淨無塵累景遙遙映白蘋道者了然方寸

60 1 2 3 4 5 6 7 8 9 80 1 2 3 4 5 6 7 8 9

撰述

裏此心欲寄與何人

蟬鳴對底

輕煙裊裊動高枝葉下清音到莫肯幾度欲題韻未就竹風引雨過簾櫳

漁舟夜泛

空潭荒荒弄清河兩岸蘆蕪拂細波回首林皋纖月上清輝白露砧漁哀

瞿粟

朱朱東園一丈開澆紅浸綠美人來信知扇子非凡種曾是蓬壺舊結胎

鬻泉  
孤身落落向天涯且鬻清流醉白沙坐到月明苔石上蘆笙歛起野人家

聞雁有感

廣陵一夜倍妻清鴻雁聲中傷客情全學少平多不在此如今何計樂畠耕

看蓮

漠漠清池水荇肥香風款款襲人衣玉顏已勝滌紗女不用吳宮著絳辨

過萬松山

撰述

袈裟自愧亂戎常病骨三季在異鄉俗間蠻煙何日淨此山終是斬人腸

野望

天目山中響杜鵑  
靄雲如絳艸如煙  
宵風不棄碧岳裏  
故遣梅萼十里妍

閒游

艸緣東郊曳杖游  
山萼滿岫隔林丘  
谿谿黃鳥唬宵日  
回晫雲煙在嶺頭

步友人雪中尋梅韻

寒芳昨夜一支開  
玉骨冰肌隔水陳  
仙種自應能傲

雪秋波何必妒香胎

過準提斧

斧太長松二里

家在小谿半畝田  
每看松鶴避茶煙  
間庭夜夜東峰月  
何必廬山種白蓮

再參荆南開聖老和尚

荆南再到逢秋日  
三徑幽香看菊英  
北望秭歸巫峽外  
廻來萬里莫雲平

遣興

挂笠長松已六秋  
殘篇未設入雙眸  
故人遙在南丹裏  
何日扶筇到虎丘

自勉

莫怨風塵鬢已衰  
好將鐵骨傲霜梅  
古人不自輕吾道  
八十猶擔杖蓋來

長松別靈巖老和尚

十載依違古友郎  
秋風曉送桂鬢香  
寒蟬欲吞千峰冷  
黃葉局蓋引恨長

詩瓢此日別愚谿  
白雨清翰盡桺隄  
不識龍山何處是  
茅房無恙借幽棲

岳色青青雨後真  
出門長揖別鹵鄰  
山中肴分堪高臥  
只是淡寥白髮人

孤蹤幾度白雲陳  
又見黃鸝向砌開  
才罕承歡今又別  
安知淚向平生來

衣益收來太友郎  
輕身趁鳥又還鄉  
蒼苔茅屋深山裏  
設把虛名敵四方

己躍龍門三汲浪  
非全點額落波濤  
他季雲外天蠻日  
好看風雷撼巨鼇

次王應龍居士韻

三月邊城日氣融  
白雲來太白  
自鹵東晴莢幾對  
催春鳥空使絲聲落艸蓬

不翫芙煙貼翠茵青苔石上老閒身東風日日催黃鳥坐看山巒醉別音

緣水蒼蒼繫小舠閒傾白酉夏低謠夕陽才向葝谿口又挂輕帆去石橋

偕許刺史宋廣文遊龍泉寺

隨雲緩步上山樓洞口迢遙白水流秋色煙莢看不厭晴霞洗盡一池鷗

廣陵九日

九月秋高落木肯廣陵孤客倍相思渝州弟妹知何處未卑還鄉一問之

孤梅笑日

玉脂嬾嬾縞衣輕宵放容寧笑砲晴谿畔已隨曹霧煥誰將凡品汙高名

江梅映水

支支瘦骨向江開香霧沈沈映日來護惱昔芙蓉水上冰衫莫遣委莓苔

訪靈隱和尚

雲日當天暑漸催幽人著屐向莓苔到門桃李天然別款款清香風弄回

汰明曉鐘卽金齒八景

白雲深鎖帝王居玉宇人傳是御書不識龍歸何處  
太公炮鐘猶自報清虛

蜀山炮翠

日暮古城看太雅武侯祠上夕陽斜炮風吹琴漁樵  
冷滿目清英潑翠華

龍池夜月

女堞參差印水濱秋波澹澹引新詩低回池上龍泉  
寺獨對寒英杳所思

芭蕉石洞

風雨瀟瀟碎玉聲空嵒百丈倚山城石門深鎖蒸煙

裏亦有洞簫葉底鳴

安樂金井

青峰萬點指煙空層沸清源出柳東午夜微波方印  
月蠻奴誰遣汲雪爭

擺井楊柳

金絲織翠曲闌旁弱弱千條舞夕陽不向隋堤拖雨  
足山中空自斷人腸

雲岳石佛

山門一望白雲開石壁流英敝佛臺日暮珠林清磬  
出翩翩鸞鶴又蜚回

金雞溫泉

金齒城東古寺鹵碑亭每見答人題如今宋寔淡山  
裏祇聽黃鸝薄莫嚦

李道人給供口占

松間入定正當一對寒鴉叫殺人何處道人來給  
栗車聲軋軋起煙塵

畱客

小座當軒昔日斜鹵山歸鶴破煙霞三間茅屋能畱  
客汲羃靄泉復鬻茶

乙未元日奉和開聖老人登石林山用原韻

元日晴煙淨邊晵入石林小谿梅欲亂莓嶺雪還深  
松霧侵人骨山風蔽瀑音誰知塵竟外聞聽亦無心  
廻眺

寒煙浮竹對秋氣向檐生日落山初暗菊肥暑漸平  
孤峰蟬盡野磾入雲輕千里一身外狂歌茗欲傾  
喜晴東杜爾侯

晴開峰際曉人坐小窗中定水漫香案畫崖斲雨虹  
青煙含瘦柳白露下微風已見楓林廻山山霜葉紅  
薄莫

登高岳色冷野望廻山昏秋老林莢瘦谿乾雲氣溫

煙隨虹雨出鳥向夕陽翻故舊音書盡悲風動石門  
妙應寺

白白金沙地青青玉井蓮古碑蒼鳥篆廢沼引牛泉  
微雨溼松子茶鐺蔽竹煙了然人景外燈火接諸天  
襄本師靈和尚

一別經三載音書絕友郎昆明秋夜月湘水敵州霜  
落木紛紛盡邊風漫漫涼自知襄抱知何日奉恩焚  
全汪牧鯤夜坐琴樓字

石壺傾苦茗竟日坐山樓雨過苔衣溼雲生竹戶幽  
相逢萬里外談笑五谿頭莫問平生吏千峰已莫秋  
和終太守韓甲喇觀海之作  
下馬山林廻蒼苔碧海深波砰知變化浪靜識禪心  
對對寒蟬聒郵野鳥吟歸來茗盃在何以獻高岑  
戲題大我靜主房

山深成野况高日照嵒津坐見僧寮畫行按石磽曾  
一峰天外杳萬木眼中頻俗問降龍蓋欲收何處鱗  
答友人餽物兼語舊  
獨坐松函下焚香聽鳥鳴打門何處客聞語似師兄  
曾憶茶蘂別今逢玉菊清贈余方外物十襲散云輕  
送友人之昆陽

秋淨山莢冷苔塗路頗遙邊雲隨空景野鳥逐歸橈  
纔看釣魚交忽過冷水橋昆陽何處達落日見漁樵

秋日坐梵筭上人房

石牀筭木裏黃葉落勵風萬里音書斷一身鬼國東  
青山插雲際白露下芳叢坐到夕陽後秋香入梵宮

還山

看看谿山廻毒郵日已斜隨雲行礪水趁鳥入煙霞  
古畫仍餘壁寒梅漸杳寥且烹龍窟下塵外道人家

寄都統高居士

諱孚捷道號佛果

晴日浮滄波清風吹芰荷嵒深藏虎豹邨遠隔笙歌

山靜人來少林疏月上多何昔王夷暇一騎入煙蘿  
秋夕與白雲上人

白霧三山起秋風一院涼茶煙熏石壁霜鳥上隄楊  
泉落龍岳下人經虎洞旁茅筭竟日好坐臥只空堂  
送王太守

諱命來

相逢一月間談笑滿臺榭閒空看谿流參來歸艸舍

離情生昨日論道只今夜毒路須籌爲僉晴莫自咤

答扶相國

諱綱

月浮不出戶况夏到人間凶下南粵孰階苔石班  
微風聞鳥語亂響落潺湲自是塵沙業一生即可刪

60 1 2 3 4 5 6 7 8 9

70

1 2 3 4 5 6 7 8 9

80

1 2 3 4 5 6 7 8 9

撰述

# 與天龍陳居士

陳公卤蜀名家畧場俠士雖羈身戎塞心在  
空宗歲辛丑余遷五福公再往盤桓因就果  
園册室爲游宴地鄉里胡公額白緣墾軒乃  
約全志閉室轟欽是日獨余惺惺遂賦一章  
青林開一室白石映新晴對密禽常宿潭深水至清  
萬竿階下靜五斗座中傾余獨惺惺者天池聊以烹  
竹林寺

一到無塵地白雲在五峰蘿上新秋月山中舊日鐘  
錫間會解虎盜淨可降龍飯罷無餘吏敝步自扶筇

## 擬寒山詩

用麗江世守虛白木公雲過集韻  
十首

黃金如可成白璧賤武夫真覺陶幻妄大道譽清虛  
世界蝸角端乾坤著小壺火風銷歇盡浮漚若瀆疽  
但圖名與利早是利心人况夏梯榮業鹿鹿忝夢身  
何日太煩熱優游樂天真悲愍甚悲愍不罕脫囂塵  
自省身世叟何物與我親髮膚非已裔妻子屬他人  
一入冥塗間業風吹識神不如休歇太免此淫怒瞋  
未能空五蘊躁妄名爲濁逐塵自逃源隨真賊可捉  
寒潭月皎潔空寥何勞斲慧日本常焚如何不自恥  
鼻祖未局來箇箇丈夫漢直逗到今日如麻似粟亂

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

撰述

空勞逞嬌姿安知胥長歎烏乎女如此驢卒登彼岸  
此身離襁褓漸漸形殊好渾渾若蜉蝣淒然便衰老  
人生天地間一息難再休經紀眼毒粵不如修行早  
看看如逆旅炎炎會真過客無生半箇無趨利常千百  
未雪妻兒冤又醻牛馬役奔波尚未寧早被閻羅責  
耽色拈紅裙欲食美酉葷蛾眉充後拔金珠足千斤  
一翰臨死期方悔不鑒殷拘拘太冥路回首誰從君  
貨財不爲家世珍非我胥獨胥兩箇字知愚常抱守  
服食莫多貪無憂無過告千鍾何足娛寸地福還厚  
我胥一奇物如空谷傳響六用或來需應之豪不爽

惠常被天人重重若梵網棄此大悲心可以化諸枉  
山中何所胥清谿與白雲或值漁樵語或從麋鹿羣  
青冥發澹靄逡坐對斜曛客至隨豐儉柏子香穿焚  
道人衡門下棲遲方契真衣破翹荷葉理窮惟谷神  
守智休離惠爲物先體仁勤勤教初學勿自憍主賓  
夢裏作國王鬼來何曾履浮生三萬場終是癡愚子  
富貴不牢固聰明安用此伯夷與叔齊今古無多已  
日日看谿流遨遊古松下談心佛日明講究尊王化  
風打艸蓬蠻仙人肯獨駕頻仰天地間大道誰醻價  
世吏多紛云吾心宋頗妙林泉常澹泊免爭天人笑

不赴王城齋安趨公侯召清谿無秋冬一竿惟自釣  
聖教胥確論權實兩爲門三賢眼上翳吾心樂秋原  
少室單傳旨妙道奚用言奇哉夏奇哉歸來早閉閭  
鵠鵬背千里錦鱗汙池游逐本須棄未煩性一旦休  
是物皆胥適齊之早不侔無笑莊生陋陋明是贅疣  
雪鶴白自白墨煤黔自黔黃檗何爲苦甘艸元非甜  
賊性恒如是初月露纖纖勞生無把著不及益當謙  
酉色神之鑿貨財命之斧斧羅罝人明功名實心蠱  
惟胥越格土無憂常無苦往來天地先遊戲任州府  
我擬寒山詩本從雲過集三夏義自殊俗士尚能及

煙雲瀰太清筆墨畫雩汁大吏雖未能鹵江欲盡吸

贈米太守

諱聰會參萬峰明和尚

自謂曹谿客夏從白兔來禪深棒下旨機妙地中雷  
長嘯三祇劫尤嫌八斗才梁山如胥約莫道不重回  
答杜長史

諱元英

若欲覓安心覓心不可罕春來萬物青月晦一宵黑  
動靜觀無因後先求胥則堂堂大道宗君道何通冥

送別劉順州

星輶五馬使行色碧雞初手綰銅章臭旛開日氣餘  
邊昏岑擁署夾道雨隨車若到順州後還須寄一書

仙月盧兵憲夜坐嵩山

中夜坐嵩山秋英清四野重微五蘊牀不及白蓮社  
諸郡仰金湯一竿掌大廈銜梧夜茗孰默默情堪瀉  
全岳峙如賀大來月夜登樓用荊韻  
乘興夜登樓推窗遙望野清英在石林玉露滴茅社  
鬻月問流泉工詩頻步廬山童滌瓦區苦茗爲君瀉  
秋日答劉文季內翰  
相逢古道在高論亦何奇悅老相徵詰張公啓笑眉  
叟殘翻溺器曉後說家私自是雲山衲清閒可等坡  
示實參居士

七夕旅次二首

忽見局流火還聞北陸風嚴霜沾老對皓月起長空  
不欲露全體翛然明正中來昔卻無口今古憶何窮  
雪日書示大眾

羣會剗盡日瑞雪滿崔嵬無著王恭服好傾黨氏梧  
充廚愁翻蔬占韻喜從梅叟胥過人處寒盧撥火灰  
七月方流火江楓已半紅砦霞親橘柚殘暑卻梧桐  
河上鵠橋起天邊雲路通如何身似葉猶滯在梁中  
日下局峰際晴英向廻開人間乞巧候天上合歡哀  
對月輕搖珮依雲漫酌杯可憐此一夜淚向平生來

撰述

## 送甸舒和尚居五華

塗飾莢先惠磨甄砌五華金沙清淨界鐘磬梵王家  
瓦合迷蒼鼠亭斜柏白雅佛鎔從此續爍破嶺頭霞  
示昇胥座

晉日生峰際煙岑起洞邊風回香自遠艸更色還妍  
綠入松雲度白逐野鶴遷相依烹燒芋飽食亦堪眠  
送裕之張檀越齊奏貢師王恭則江則竟五華  
新秋暑未退萬里北平行馳驛尊王吏揮鞭入帝京  
征塗須保愛到處看逢迎馬首歸何日山茶欲待烹  
山居

山靜從無俗客尋間岑野徑自低鑒晉來鋤藥防牙  
損秋後收禾鬼鼠侵月到清流常獨坐雲刲古石每  
多会蒲團一定三更冷榻下惟聞促織音

## 高藍山元日登眺

空山欲上履冰苔已見晴暉旁柳開度礪鑑行浮野  
色倚嵒小座韻新梅百卉心更從人欲一鳴晉焚向  
岫來最是今翰興自別衣常帶界谷雲回中劍汎

## 寧國寺在達渡

桃萼滿對映晉開紅景含香逐水回緣艸芬芳天正  
暝白雲明成日初來瘴淡遙渡情堪泣碑臥蒸邱吏

60 1 2 3 4 5 6 7 8 9 70 1 2 3 4 5 6 7 8 9

80

撰述

可哀松寺未殘僧已老何昔鐘磬出莓苔

次宋廣文寄上許刺史之作用來韻

昨夜蜚鴻到白雲山山泉石起壹壹新新墨迹還含潤  
裏裏金聲未可羣世上如君誰夢筆黔中惟我藁先焚從今莫寄蒲團客五老峰尋實媿君

太極樓分韻寫秋字

樓觀菜海碧波流又見函風送剋秋幾點斷雲穿石谷一羣歸雁落沙洲閒敲玉磬僧房淨昔看楞伽利

路休唚罷又隨庭鶴公橋頭坐看采菱舟

除夕

萬叟傷悲今日驅百季歡笑每須臾名心澹盡如枯  
水利路無關只瓦盧自著松柴烹玉雪誰將柏酉酌  
冰壺雲房且過眼每日莫管人家換舊符

偶成與竹眉竹元不磷諸徒

戶外昆明積水淡漁歌薄莫響蘆林扁舟欲泛澂江  
月夕雨將收揭練砧老病相催潘岳鬢兒孫須學古  
人心熱腸未盡楊蕡盡萬里宵歸亂鳥吟

卜居金華山

小築新居祇對中盧峰裊裊紫煙空雲來雲去隨淡  
礀雲落雲開逐曉風翠黛胥肯生莫嶺函山無日不

坐虹林香又是清明節倚杖階尋看太鴻

南峰寺

曳杖重來舊竹房疏鐘猶聽出山岡千章古木排雙徑一畝新荷綻廻香洞口閒雲流石壁樓頭白月映池塘上方自是清涼竟幾度游人洗熱腸

室中聞野哭

雲松百畝景蒼蒼忽聽哀聲人斷腸不爲無家淡墮淚多因催賦苦悲傷鬻雞雨過莓苔滑典室翁嫌艸色蒸日莫更愁釣帖至淒風吹殺舊隄楊

緣壁軒

一到雲中見古初塵氣何散入幽居高眠自斷天涯夢病骨難刪舊日書對柳閒看昔欲老向山遠望鳥蠻徐今翰莫遣夕陽早石上谿翁正釣魚

全刺史干公坐緣壁軒

聲聲黃鳥響柴荆遙望雲山物色清白白梨萼開谷口青青松子弄晉明愛君詞賦人難敵媿我衆淡叟未精茶孰室中須暢飲雪絲莫待滿頭生

白泉寺

九曲清流羨碧渦迢遙一徑入煙蘿風回綠水逐秋月雨斷青天朗玉河琪對萼開香上界慈雲景潤溼

60 1 2 3 4 5 6 7 8 9

70

1 2 3 4 5 6 7 8 9

80

1 2 3 4 5 6 7 8 9

摺述

輕羅明翰還肴毒，涂恨不識沾巾思若何。

武曲送內翰劉文季歸里用來韻

自投書劍學淡臧，每見秋高憶故鄉。  
千里峨嵋無限恨，十季昆海不勝憇。  
人歸故國愁薰塞，夢到天涯淚染裳。  
常此公蠶叢莫久住，免園宋寂寞思梁王。

喜李方伯再過賞桃

粵木幾番雨雪催，清香始見逐風來。  
我培已翠隨吾日，點蕊淡叨作賦才。  
嚙飲何須邀美女，尋芳不用折新梅。  
只因民瘼關心苦，嵩寺難教十日回。

和福海靈老人輓淮仙先生原韻

雪照湖沙一片明，江曾又旁白雲生。  
祝融肴日開青嶂，華屋無琴對紫荆。  
漢水鹵來城草冷，蛇山東向薜蘿晴。  
舍松柏千峰裏，只與漁樵舊有盟。

示荅石禪人

千峰自裏好刈茅，縛箇間房十尺高。  
自放豪吟消岑宋，可將清磬擊雲皋。  
是非不問纔方淨，歌笑何須喜酌醪。  
漫道煙霞非我隱，如今四海盡風濤。

親王省畔南臺便，泛近鷺洲上宴賞夫渠。

王家南臺說田疇，萬井瘡痍已可瘳。  
浪夾旌旛送雨弓，開明日箭翻鶩聯檣。  
戀賞夫渠勝載酉，稱觴荇雨弓。

菜桑不數梁園詞賦美棠舍胥曲訛千秋  
小壺橋獲拙鳩集步畫鸞入研池韻

輕舠一繫讀新詩字秀如何不費思敲石聲翻峽

水落英點點入香池階布老檜方消雪橋下脩鱗欲  
躍肯好著奚囊歸寺公江湖胥意報相知

和張太守游華亭寺見寄

燕公詞賦舊知名宇內新聲未可爭南徼惠行憐赤  
子東山臥起爲蒼生僊僊旌旆華亭日隱隱笙歌孟  
獲城玄鑑遺蹤千古在白雲倚檻看岳畔

嵩山壘竹禪師語錄卷十三

終

嵩山壘竹禪師語錄卷十四

鄆州參全門人宗宏錄

鄆州龍英門人宗上

潞南州兜率門人宗堅全編

雜著

贈高藍隱者

竹雞聲滑滑隱者深林裏曉色照谿局秋風來萬里

過紫谿莽

夏日人易袞閒行過紫谿竹門山靄合坐聽鶲鳩曉

金華敝步見海棠盛開余摘其尤者兩支插於

鬢大衆見而笑之因口占以示

室中人岑宗偶步到粵叢一支才插鬢語笑對青風  
裏鞏昌府綵繪二居士

登樓裏白公遙望秋雲疾處處漁樵歸石門正落日  
訛梅

寒香初破雪高潔隔幽谿堪笑余兼爾終當巖壑棲

示申居士受

松寒月欲高隔鴈聞荷香不識誰家笛清音細柳房

示梅居士鶴

鶴閒松子青馬亦胥追風鄰翁谿水上日暮釣魚終

示贊居士濟

求佛先求心蓮華掌上開香風吹不盡白豪吞日來

示楊居士謝

聞道不須遲來輸雪滿頭忽然骨肉別如日輕霜休

示周居士昭

南山松柏裏亦胥白頭翁昨日過山來對我理絲桐

壽張居士存之

嵩山磨古今白月照無終圖畫篋頭上煙雲生不窮

夏李居士相如

附來偈

聽聽打更鐘一下夏五下才曉又夕陽依舊是晦夜

一更一聲鐘五更鐘五下寅卯已天明子丑是昨夜

示王居士令

松函開礪水高坐待明月函北涼風生寥寥吹白髮

示江居士汲

江聲夜靜遠微波生枕上鄰雞寒欲曉鼴鼠自來往

示雷居士岳

琴在白雲室孤音逐水流彈罷焚香坐松風猶未休

示樂居士益

楊柳垂殘月寒雅醒欲曉不知何處客已度板橋函

示伍居士艸

一衣三十奉高臥白雲岡如何開卻眼只見別人恠

山中四威儀

山中行谿谿野雲平古葑生苔蘚寒猿三兩聲  
山中住閒看崑崙霧茅屋倚雲隙好鳥自來去  
山中坐何須理清課日用自閒閒誰管立功過  
山中臥一枕蒲團破忽然惺惣來峰頭日已墮

示劉居士嚴

道原不枉規矩學又豈關子書只要心空若月看弯隨柳幽居

60 1 2 3 4 5 6 7 8 9

70

1 2 3 4 5 6 7 8 9

80

1 2 3 4 5 6 7 8 9

撰述

### 贈佛果高居士

佛果佛果如蓮出火開口見肝內不著我祖債佛冤  
一杖擔荷師子遊行野干自墮更見成行行回互  
分付宗元一切莫附祖代源流從此屬仅

### 贈傅居士懷吾

山生奇石水含秋碧鳥參飛而知還雲無心而出入  
煙灰靄靄谿色羃羃中肴一士鄰我咫尺日來亭上  
問我佛理一劍破頂門渾身血滴滴忽然申此手拍  
碎昆侖脊

### 示章居士祥宇

从生齊一凡聖全塵揮之卽碎團之卽圓清灰滿芻  
明鏡當軒一條白練一念萬本是賓是主肴實肴權  
如斯領悟故曰單傳且道傳箇甚麼咄伶俐漢休熱  
瞞南海波斯騎石虎森森拔出珊瑚鞭

### 示造周熊總戎

逃禪須子細不可墮無記喫飯與穿衣啄唾與掉臂  
處處契真機物物明祖意又須格外觀莫信人巧譽  
一念如萬卒千差當一致古之學道流依之趋十地  
若不如是行徒勞立此志我雖不識丁設言說非義  
情忘體自殊意絕理自備應用枉臨肯斯道爲第一

示不昧禪人  
者一物那一物因不詠果不屬心常明意常足不斷  
貪不求福昭昭然能照燭未生毒是何物

示汝明磨頭

磨推女女推磨汝明汝識者箇莫滯塗路中只須  
家裏坐女來執吾役吾故與女說母要論玄機玄機  
終非罪無修無悟人直此是法則

示李居士維谷

狂家出家理無差別一念回光萬機頓歇本旣無生  
何者受戒萬季一念獨超方便佛說非真我本無見

曰男曰女乃賚乃賤一念萬季頓狂目奇先天勿用  
何段後天毒後際斷其道玄玄玄玄之妙不涉朕兆  
推倒空王歸來大笑

示周居士清

坐如山行如兇大丈夫本乎此三千季毒老釋迦說  
胥談空剖眞理非心非佛狂彼狂此中天月正圓繁  
景落潭水

總戎熊居士祈禪銘

禪須實究道須實落日用之間淜淜脫脫踢倒淨餅  
豎起塵拂索我禪銘乃爲是說畢竟如何長天一鶲

示阮居士坤

幾向黃寧叱咤又來白社縱橫著著玄關莫測威風  
凜凜江城

示王居士佛身

以身持經以經束身夫身與經誰疏誰親二如不取  
何妨持經呵呵也是平地掘坑

示黎居士亨

宗亨居士入佛叢林歸無上道了悟佛心中邊不涉  
亦不閒吟雖然到此田地猶是聽人餘音

示劉居士文進

葛直相逢道不識廓然無聖語何欺如今爲女重說  
破鳥道歸來早已遲是甚麼貓兒尾上繫研椎  
示韓居士世  
如何是佛糞白土塹衲僧罔搭龍天稱歎力士骨毛  
寒波旬心膽顛

示黃居士旭

海印三昧觸目菩提毛含巨海蠻吞象犀修竹凶奇  
萬竿山僧只管高棲

示辟居士遠

天上無彌勒地下無彌勒公問拄杖子向空畫一畫

楞透

五

良久云總沒交涉

示王居士海

昆侖申足踢倒海嶽抹過丹穴吞卻鸞鷟露柱笑鐙  
籠此理也端確

示楊居士奇

梵夾五千餘字字疏摩訶中間一字真著意便蹉跎  
呵呵會罪奈我何不會奈爾何

示陳居士雲

雲從龍風從虎五眼六通各自覩祕魔又禾山鼓五  
五還歸二十五

示宋居士易知

知者見之知仁者見之仁易之易之誰與鄰縱然跳  
出者箇猶是眼中之塵

示任居士古嶒

黃檗自苦石密自甘甘苦不著各自歸斧若了此中  
旨何勞五十三

示貝居士鳳

喫茶者茶飲酉者酉上天雁飛下地免疋吾與女夏  
何肴猴愁摟頭狗疋抖口

示王居士融

雅不涅而黔鶴不浴而白火盧浪滔天梵本難爲譯  
木人天外高歌石女谿邊繡刺

示趙居士珠

如珠走盤似水就下一往觀來何叟何簪珠兮珠兮  
奈爾何嘲翰胥意重來麼

示李居士玉

左也罵右也罵虛空何面烏本自黑鴛鴦枕上夢回  
昔且道起來何消息

示楊居士冀

馬能蹠牛可角雨下枯回魚行水濁物我全根佛生

不惊是謂曾溫之寧秋涼之月

示周居士目

我生天地天地我子面目依然阿誰動止風吹江海  
波紋起

示陳居士景

禪非禪道非道直下了之無不到百尺竿頭進步人  
坐卻白雲終不妙

示白居士道

不入虎穴不罵虎子以喻道人學佛之理但能勤精  
進自然罵道耳

示曾居士一

天罕一地罕一衲僧奇甚閒巴鼻竹老眉毛任女看  
鎗會依然何處覓

示李居士耀

我心不可罕問之無可說拋卻鏡華忘卻水月莫叫  
屈廟輸依舊日東出

示金居士緯

大道如何經天緯地萬象森羅清英不昧左右逢原  
切忘眼覲

示徐居士玉

苟三後三布袋之間若也不會緣水青山寒山逢拾  
罕攜手笑破顏

示陳居士薦

各家無家二俱不立路上人披衰田中人頂笠疑殺  
瓠子東瓜笑倒石頭瓦礫

示楊居士轍

父母未生女是阿誰父母生後何悟何逃咄撞著白  
額大蟲須打殺莫待貓兒狗子疑

示曾居士學

道無言說曾子一唯門人詰之忠恕而已若是衲僧

撰述

## 未設相許

示周居士維新

聖不罪名凡不罪狀掌碎虛空何名實相住住聽吾  
言莫要喫人棒

示李居士惟

洞山脊麻贊山脊酉趙州喫茶子湖看狗慈雲無說  
拈匙弄帚脊問齒來意拾起蓦打口

示唐居士本

道不屬知不屬不知及乎脊知何異無知認取娘生  
舊面皮勿待霜月落毒谿

示脫塵飯頭

炊脫粟供頭陀雪峰覆卻盆南泉打破鍋飯裏脊蟲  
脊砂麼

示羅居士欽

不是心佛不是物明嘲指人也叫屈南泉蘆菔頭不  
是相彷彿翠竹青青黃鸝鸞鸞切不可認作佛

示譚道人谷

山深減雲水清含物喚作吾心孤負先佛者裏只須  
分明免罕後昔叫屈

示葛居士樵

對一說倒一說深恨睦州拶折腳忽然識罪者些兒  
好把葛藤盡拋卻盡拋卻開眼也著合眼也著

示張居士注

如人飲水冷熱自知此是直說不必生疑豈起拂云  
看取令行哉

示張居士貞

真實說無閒歇虛空敵爛須彌舌天下覓醫人驢卒  
覓不罪

示李居士止

止止不須說此意人難知竹箆打三千依舊卻生疑

呵呵此吏不須疑

示葉居士饒

此衆無支葉惟有諸真實筠袁虔吉頭上插筆此意  
如何舉心卽失

示左居士立

千朱柏萬章松閒觀音緣緣重重如來面孔何常別  
好向峰頭識此容

示陳居士釋

功惠天黑暗女胥知主人俱不取緣竹黃等別撓音  
轉谿衣盜何須數

示吳居士述

日出作日入息鋤柄舉來人不識卻向他家覓指歸  
焉知費盡心頭力

示李居士和

雪峰毬石霜鎖俱眠一指雲門語墮長松五石更新  
鱸將心解會卻不可

示周居士宣

一句明三句透不必重重求講究呼奴喚婢識家風  
何曾一叟落人後

示楊居士益

知之衆妙門知之衆甞門忽然知字都忘卻水送扁  
舟過別邨

示梁居士震

半壁關中百二名楊六詔江山驥驥良驥嘶月又向  
松門學閒

薦劉道人

生以不生生死以不死死生如轉圓佛性何終始  
只恐不自知公來終不已勞勞三界中苦樂如拘豕  
幸爾遇采城聽吾說淡旨雖未大休歇頗亦識知止  
此日夏何言言之不相似撲破無明設何物可爲累

讀升菴外集載佛經有云樂行不如苦住富客  
不如貧主又見洞山語錄破鏡不重照落萼  
不上支絕似唐人樂府因書其後

星泥兩未形是中何爲主苦樂旣累吾安知衆父父  
鏡破照非無萼隕香還吐寄言詞人知至道切須取

書石刻金剛經後

劉公維巡撫雲南昔刻金剛於石使士民傳誦意在  
俾南人知有佛公公袁公懋功來下車之初知劉舊  
有石刻金剛卽使人求之人以殘闕進公歎曰昔日  
未達損蠹乃爾命工補全印出夏裝潢之遍送全吏

烏乎故君子莫大與人爲善則二公以之歲某月日  
額駙衛公等一本以眡余且謂余曰二公之好佛不  
在楊李下師不一言發明之無乃忘人功乎余唯唯  
遂成一頌鏡水無心能鑒物金剛有種豈微功太虛  
全壽傳難盡高閣經聲落曉風

喜雨

支上脊鳴鳩梁上脊栱燕巢皆各自晝雨下雙不見  
山函苦炎熱忽然涼生殿遙天青冥開江色淨如練  
從軍行

余生胡不辰才壯驅入塞爺娘苦號涕別昔肝膽碎

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

撰述

王吏未胥程此心焉可背磨刀隴上水惛雲忽生代  
明日鬪旛旛天地爲之晦

毗盧閣告成詩以謝兩序

嵩山古瓦蘊蘚蒸煙流水空千秋涼庭對蒼蒼鶴柏  
老函外雲淡白日長北來老僧手胥力芟艸除礫洗  
宮牆未還舊觀此僧公余來四載猶暴霜鱗瓦蜚碧  
星日礙喻風似磨聞闔旁水藻丹柰妒萼木青黑鳥  
雀正跕跕鍾鼓逢逢傳萬壑高風欲下落天香畫棟  
雕甍何人力夙興夜寐衆勤勦我烹白泉先胥艸夏  
燒龍麝排高坐白黑三百咸歌舞歌斯哭斯暉允昌

峨嵋山月歌

峨嵋山高入青天白月垂來半山毒月照空山夜如  
雪山搖空月艸如煙老僧禿髮騎雲出眉毫坐銀漢  
拂有此肯顧我似胥說回首看月心不然峨嵋山高  
高入青天山月莫逆歌以永年

和于公薄斂歌

南海珠還雲州守高呼青天民父母涕餓號寒獨關  
心一歲兩歲饒歌酉于公于公真賢牧賣劍使人盡  
買犢我歌未終惠風生徐徐出自龔黃屋虎走蝗蟲  
又收棟邨邨童交歌莫來只恐君王不俗寇詔下奪

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

撰述

我將相才

佛叟

固山何公請爲元旦初貞喇嘛入龕秋風吹斷北山  
震此日松杉叫白雅報道故人兜率太香雲霧落  
平沙恭惟喇嘛禪師塞北柱石秦鹵名綱宗戒定於  
中季勅伽藍於廸歲心空及第語默絕離微道振中  
粵才名稱善慧正空開導何期潛輝正恁麼肯如何  
是他受用一句莫道從今無覓處金莢龕裏應跏趺  
下火舉火芭云無手行拳拳畢竟威孰相說洽洽畢  
竟衰如今喇嘛禪師旣恁麼來又恁麼去畢竟絕公

來相三處恁麼畢竟如何是助伊火莢三昧底句搘  
火芭云擦手歸家人自枉紅盧放出白豪來

乳峰院主起骨古者道向紅盧裏段過來底雖未精  
細然亦可作睂一箇器皿如今者漢向者盧子裏和  
皮骨都段過了且道成睂箇甚麼器皿以杖敲骨云  
煉睂身形似鶴形別是金剛不壯體

梁山明和尚訃至挂真云固陵大對錦江摧一代宗  
盟太不回畱辱巫山三峽月清輝夜夜向凶來乃以  
手指真名衆云者便是世大父底面目見在者裏爲  
甚卻道大對摧公不回便燒香云一度椎脣一度恨

青山綠水也多哀  
蘇州浮師翁凶問至挂真舉哀云三十季呵佛罵祖  
欲辱一箇半箇交代益袋子此我大父爲汰求人底  
心也如今和性命都落枉不肖慧手裏要教他上天  
也在不肖慧要教他入地也在不肖慧大衆且道以  
何爲驗插香云哀哀

爲阿思哈哈番明宇李公下火鵠印搖邊月丈夫吐  
氣揚眉龍旛掣海雲英雄囚晉譽瞻聳賢冠於凌煙  
閣題銅柱於瘴癘鄉此大丈夫吏非庸才可能爲也  
雖然如今收功一句又作麼生攏下火箒云馮君莫

話叔侯吏一將功成萬骨枯

爲王秉和居士下火者居士生平子女玉帛中而不  
染著可謂蓮華淨也生平絃索歌笑中而不取著可  
謂白月高也若較衲僧門下卻也做罪半箇衲僧所  
以三十刱到來撩起便行不待呻吟枕席然後脫也  
雖然百尺竿頭須進步十方世界見全身

爲鯤撓公下火雕弓抱月守在四方畫旛翻雲雄稱  
一劍取功名如拾芥卻勤敵若摧枯此下幃學劍之  
効也正當此昔公旣捐館人亦銜涕且道香薪積山  
如何助他發燄遂攏下云莫只火中稱安樂回頭須

60 1 2 3 4 5 6 7 8 9

70

80

1

2

3

4

5

6

7

8

9

撰述

識舊家鄉

銘

元旦初貞喇嘛塔銘

謹按狀喇嘛名元旦初貞族冢古之後生萬曆甲寅成童便脊棄俗意未幾父母相繼而逝故喇嘛罕躡屬四方矣初喇嘛爲山海步將脊仁心凡卑俸必分而周急人人常比爲叔牙崇禎丁丑至二十四忽告固山何公纛章京巴公曰四大苦空洵亦無常塵網不於此告裂之真不知死之將至云耳二公憐而許之己卯嘗禮沈陽元旦講素爲師素授以鬱多羅

僧專學律部素見學者日益乃歎曰佛日重茲舍子其誰乎申申卒三十一上嘗羅卜臧招度擺求講梵網四分聽者無不服膺自此講誦不輟常讀法華至藥王本末品卽以香水沐臂爇指供佛而神色不少變順治壬辰卒三十九至鹵海謁達喇嘛公公知法器卽授以僧伽黎俾廣佛化旋奉王旨於鹵寧塔耳寺飯僧約萬數畊奉來漢中剏審林寺造鹵方三聖各丈餘穆以金屑巍峩壯麗而漢中人睹相發願往生者到今不絕康熙癸卯夏來滇禮雞足將欲還二公堅畱駐錫雲南東臺之五靈五靈舊爲城東巨

60 1 2 3 4 5 6 7 8 9

70

1 2 3 4 5 6 7 8 9

80

1 2 3 4 5 6 7 8 9

撰述

刹季來失人遂至坍圮喇嘛駐錫不二季卽煥然改觀夏建閣五楹貯貝葉一藏皆裝潢精奇丙午某月某日誠衆曰勤儉廉退釋子大節若肆奢侈不如流俗也世界無常真如幻泡吾徒不勤學業虛器茲會寧不愴哉雖示微恙應對如常於某日端身正坐舉手搥印奄然蟬蛻二公與衆章京大慟承服以師禮吏之畱三日始荼毗柩之所至觀者如市二公請余主器吏旣闋維眾設利百許二公聞於王王加歎不已捐金以助佛吏建塔於寺之左塔成二公徵銘於余余曰喇嘛與余友雖未久然常以拈鬚微笑之意

與達磨宗旨詰之喇嘛醻對不爽又常向余言生平所歷之吏似以余爲法門骨肉則今日之銘於義可卻乎乃原其始而銘之曰神廟在御至人生焉顛毛始束脊志出塵爲王執殳鎮靜烽煙仁心可掬千夫歡然旣告以歸袈裟半肩講誦刲造卤北人傳末後吏畢如蛻新蟬聳動官庶哭踊聯翩建塔五靈永基萬年

淮仙先生墓銘

文章百世道亦可師余嗟先生來非其嘗上自堯舜下及昭代鑿爲一書千流可匯亦誅旣死殮發幽荒

大業未終先生隕亾八尺未刲二十九季二子悲號涕淚漣漣育女一人已擇佳壻二氏向祀無散曰戾長君問余請爲銘之以勒貞石千秋永斯

行實

康熙壬寅慈玉僧統將嵩山衆護法命來師旣受之十二月到院明日黑白千人欲聞師行脚因命坐乃從容告曰慧渝州長壽葉氏子生憲宗癸卯三月五日葉氏自先大父至慧三世皆業畊閒育入塾不過認字便了國家從天啓元祀賊破渝州歷思宗甲申二十四季蜀東函巴南北田廬父兄燒戮殆盡慧旣

遭亂與父母竄藏孤身南避黔州遇全鄉縑衣者誣及離亂之吏不恥泣然泣下數日因商南丹忽自恥曰吾鄉父老今無一存我獨存者豈非天欲我爲好吏邪當此大劫不自回觀真癡矣乃脫下俗服誓曰如不卽出家育如父老乃謁東明曉師剃落名福慧字思修日惟禮佛持經如是三季壬辰音育雪林者來自平越峴慧客寓獨山之天竺莽因問禪師何來林曰某在平越龍門爲磨頭尚未具戒來此募衣今冬欲納戒耳慧曰龍門和尚尋常教人習何吏林曰教人精進道業脫離生死慧曰是要一兩語可罕聞

櫻述

乎林曰觀公此問意亦可嘉何不要包自公問和尚某雖記畧數則因緣終是糟粕慧見林語頗異因求攜往及到龍門三月二日也因告香期近不畧卽見越十日始畧晉謁和尚問何來慧曰獨山又問何處人慧曰洛溫又問幾昔離彼慧曰九曆初又問因何到者裏慧舉與雪林之語對未終和尚便喝出慧維昔付之和尚怪我邪公告嬾兄玄知客嬾曰你向者裏疑玄慧愈疑駭昔本兄明教授在遵義歸慧又告本本曰兄亾入叢林便欲理許大吏也未和尚遷萬壽慧太求開示和尚示以平實末教參萬法歸一

一歸何處慧方脊箇信意因與嬾民本源隱居開石  
石芝梅隱梅孰遜岳諸兄十八人打七未脊入路是  
歲癸巳慧與大雲長兄海雲仲兄等二百人納戒畢  
辭回獨山未幾和尚遷聖恩慧又約聽松恵蓮同往  
因求燒茶供衆和尚許之一日與別南往鎮遠路上  
亦如外人忽過谿不貶口念萬法歸一才舉晉昔便  
識罕者更原來在者裏方知和尚喝出與嬾本二兄  
相爲處歸見和尚和尚曰女參禪也後因看南泉  
問知頭陀云女名甚麼曰宗知泉曰知不到處作麼  
生宗知曰切忘道著泉曰灼然知不到處切忘道著

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

道著則頭角生大丈夫須向異類中行於此又不知落處一日見僧問和尚如何是異類中行吏和尚曰與我弊凳子來僧弊至理毒問和尚示以偈曰山僧弊凳子漫道闍黎弊若謂闍黎弊依舊可憐生慧聞始到平妥便著衣上方丈禮拜曰毒來異類中行吏慧會也和尚曰女如何會慧趨出和尚曰未在慧更回頌曰昏眠不貶曉處處聞嘯鳥夜來風雨聲萼落知多少和尚休公明季甲午惺一照兄含容惠兄將長松命來敦請和尚不罕已應之因命嬾兄與慧先往是歲結冬擢慧維那開坐日慧出問禹門千尋浪

誰是化龍回和尚曰浪頭赤鼴自分曉慧曰恁麼則蜚躍公也和尚曰俊哉衲子慧禮拜又一日慧出監拳曰者是第幾機和尚曰放下好也免罪喫棒慧畫一畫和尚曰自領公又一日慧出問欲領一棒師意如何和尚曰教你捲身失命慧曰恰好和尚曰甚麼季閒翠活慧曰鐵牛畔轉昆侖公瞎驢嘶破太虛回和尚曰瞻荀顧後又一日慧向荀屢具卻云也不消罪便收起和尚豎起拂子慧曰渾然含理吏何用歷三祇和尚夏豎起拂子云者箇用罪恁麼伎慧禮拜又一日慧出問曰第一設獨立庭毒雪肯如何和尚

換道

曰寒殺只空寒殺慧曰第二設烏龜吞卻月昔如何  
 和尚曰破破只空破破慧曰第三設今昔全扇洩昔  
 如何和尚曰可憎只空可憎慧曰恁麼則踢碎鹵河  
 師子窟裂破汾陽萬古秋空也和尚曰莫易開終始  
 口好又一日慧與端居泰兄岳樵崇兄入室和尚以  
 杖畫十字慧曰好不識羞和尚夏畫卍字慧乃行和  
 尚便打一棒制終辭回省師和尚送以偈曰龍門一  
 曲別宮商三峽流泉韻自長分仅還鄉須保愛肚皮  
 箋束白雲岡因更字慙竹乙未秋和尚遣開石意監  
 院夏淮國公書因聞和尚脊慶陽王要住龍門命又

事五六季來纏縣入刹之命然慧無學又兼離師太  
早一回付之一回慚恧衆兄欲聞慧行腳只罕將從  
苟之更告之至於多少敗闕不能盡說如諸兄再問  
慧受用一句慧只罕也道箇上來所供并是詣實  
嵩山壘竹禪師語錄卷十四 終

康熙八年夏重刊  
嵩山語錄一部計一十四卷  
板藏浙江嘉興府楞嚴寺  
經坊



60

1

2

3

4

5

6

7

8

9

10

1

2

3

4

5

6

7

8

9

80

1

2

3

4

5

6

7

8

9

ス

廿一